



盛唐第四十九

唐詩紀一百九

鄆郡吳 瑄彙編

永嘉周才甫同校

李白

新唐書云字太白興聖皇帝九世孫其先

庚星而生因名之十歲通詩書既長喜縱橫

術擊劍為任俠輕財重施客任城與孔巢父

輩居徂徠山號竹谿六逸天寶初至長安賀

知章見其文歎曰子謫仙人也言於玄宗召

見金鸞殿帝賜食親為調羹有詔供奉翰林  
白嘗侍帝醉使高力士脫鞵力士耻之適其  
詩以激貴妃帝欲官白妃輒沮止白求還山  
浮游四方永王璘辟為從事璘反逃還彭澤  
璘敗詔流夜郎會赦還尋陽坐事下獄宋若  
思釋囚辟為參謀未幾辭職李陽冰為當塗



言系  
令白依之代宗以左拾遺召而白已卒葬青  
山文宗詔以白歌詩斐旻劔舞張旭草為三  
絕。按舊唐書云白山東人父為任城尉因  
家焉魏顥李陽冰序其文劉全白撰墓碣皆  
云廣漢人東蜀楊天惠彰明遺事云白本邑  
人微時募為縣小吏後棄去隱居大匡山今  
山有讀書臺非匡廬也。有子曰伯禽女曰平  
陽諸說不同。殷璠云白性嗜酒志不拘檢  
嘗林棲十數載故其為文章率皆縱逸至如  
蜀道難等篇可謂奇之又奇然自騷人以還  
鮮有此。西魏書云白與李暹李元孫李元  
體調也。

### 四言古詩

#### 來日大難

來日一身攜糧負薪道長

今本作長鳴

食盡苦口焦唇

今日醉飽樂過千春仙人相存誘我遠學海凌  
上三山陸憩五嶽乘龍天飛目瞻兩角授以神一作  
仙藥金丹滿握蟪蛄蒙恩深愧短促思填東海強  
銜一木道重天地軒師廣成蟬翼九五以求長生  
下士大笑如蒼蠅聲

上崔相百憂章

時在潯陽獄

共工赫怒天維中摧鯤鯨噴蕩揚擣起雷魚龍陷  
人成此禍胎火焚崑山玉石相碓仰希霖雨灑寶  
炎煨箭發石開戈揮日迴鄒衍慟哭燕霜颯來微



誠不感猶繫夏臺蒼鷹搏攫丹棘崔魏豪聖凋枯  
王風傷哀斯文未喪東嶽豈頽穆逃楚難鄒脫吳  
災見機苦遲二公所哈驥不驟進麟何來哉星離  
一門草擲二孩萬憤結緝一作習憂從中催金瑟  
玉壺盡爲愁媒舉酒太息泣血盈杯台星再朗天  
網重恢屈法申恩棄瑕取材冶長非罪尼父無猜  
覆盆儻舉應照寒灰

五言古詩

俠客行

趙客縵胡纓吳鉤霜雪明銀鞍照白馬颯沓如流  
星十步殺一人千里不留行事了拂衣去深藏身  
與名閑過信陵飲脫劍膝前一作橫將炙啖朱亥  
持觴勸侯嬴三杯吐然諾五嶽倒爲輕眼花耳熱  
後意氣素霓生救趙揮金槌邯鄲先震驚千秋二  
壯士烜赫大梁城縱死俠骨香不慙世上英誰能  
書閣下白首太玄經

關山月

明月出天山蒼茫雲海間

一作蒼蒼  
蒞雲間

長風幾萬里



吹度玉門關漢下白登道胡窺青海灣由來征戰  
地不見有人還戍客望邊色一作思歸多苦顏高  
樓當此夜歎息未應閑

結客少年場行

紫燕黃金瞳稜稜一作啾啾搖綠鬢平明相馳逐結客  
洛門東少年學劍術凌轢白猿公珠袍曳錦帶七  
首插吳鴻出來萬夫勇挾此生雄一作英風託交從  
劇孟買醉入新豐笑盡一杯酒殺人都市中羞道  
易水寒從一作徒今日貫虹燕丹事不立虛沒秦帝

宮舞陽死灰人安可與成功

長干行

妾髮初覆額折花門前劇郎騎竹馬來遶牀弄青  
梅同居長千里兩小無嫌猜十四爲君婦羞顏未  
嘗一作尚不開低頭向暗壁千喚不一迴十五始展眉  
顏同塵與灰常存抱柱信一作耻上望夫臺十六  
君遠行瞿塘灩澦堆五月不可觸猿聲一作鳴天上  
哀門前遲一作舊行跡一一生綠一作蒼苔苔深不能  
掃落葉秋風早八月蝴蝶黃俗本作來雙飛西園草感



此傷妾心坐愁紅顏老早晚下三巴預將書報家  
相迎不道遠直至長風沙長風沙地名在池州之鴈汭下八十里

古朗月行

小時不識月呼作白玉盤又疑瑤臺鏡飛上一作

青一作白雲端仙人垂兩足桂樹何今本團團白兔

擣藥成問言誰與餐蟾蜍蝕圓影大明夜已殘弄

昔落九烏天人清且安陰精此淪惑去去不足觀

憂來其如何惻今本愴摧心肝作悽

上之回

三十六離宮樓臺與天通閣道步行月美人愁煙  
空恩踈寵不及桃李傷春風淫樂意何極金輿向  
回中萬乘出黃道千旗揚彩虹前軍細柳北後騎  
甘泉東豈問渭川老寧邀襄野童但一作慕一作秋暮  
瑤池宴歸來樂未窮

獨不見

白馬誰家子黃龍邊塞兒天山三丈雪豈是遠行

時春蕙忽秋草莎雞鳴曲今本池風摧一作寒樓

宋本響月入霜閨悲憶與君別年種桃齊蛾眉桃



今百餘尺花落成枯枝終然獨不見流淚空自知

妾薄命

漢帝重

一作寵

阿嬌貯之黃金屋咳唾落九天隨風

生珠玉寵極愛還歇妬深情却踈長門一步地不

肯暫迴車雨落不上天水覆難再

一作故難又作難重

收君

情

一作恩

與妾意各自東西流昔日芙蓉花今成斷

腸

今本一作根

草以色事他人能得幾時好

陶弘景仙方云斷腸不可

食其名美好名芙蓉按白昔日二句正用此語

幽州胡馬客歌

幽州胡馬客綠眼虎皮冠笑拂兩隻箭萬人不可

干彎弓若轉月白馬落雲端雙雙掉鞭行遊獵向

樓蘭出門不顧後報國死何難天驕五單于狼戾

好兇殘牛馬散北海割鮮若虎餐雖居燕支山不

道朔雪寒婦女馬上笑顏如頰玉盤翻飛射鳥獸

花月醉雕鞍旄頭四光芒爭戰如

今本一作若

蜂攢白刃

灑赤血流沙爲之丹名將古誰是疲兵良可歎何

時天狼滅父子得閑安

門有車馬客行



門有車馬客一作賓金鞍耀朱輪謂從雲一作丹霄落

乃是故鄉親呼兒掃中堂坐客謂悲辛對酒兩不

飲停觴淚盈巾歎我萬里遊飄飄今本作飄飄三十春

空談霸一作帝王畧紫綬不挂身雄劔藏玉匣陰符

生素塵廓落無所合流離湘水濱借問宗黨間多

為泉下人生苦百戰役死託萬鬼鄰北風揚胡沙

霾翳周與秦大運且如此蒼穹寧匪仁惻愴竟何

道存亡任天今本作大鈞

君子有所思行

紫閣連終南青冥天倪色憑崖望咸陽宮闕羅北

極萬井驚畫出九衢如弦直渭水清銀河今本作銀河清

橫天流不息朝野盛文物衣冠何翕翹廐馬散連

山軍容威絕域伊臯運元化衛霍輸筋力歌鍾樂

未休一作明榮去一作至老還逼圓光過滿缺太陽移

中旻不散東海金何爭今本作會西輝今本作飛匿無作牛

山悲惻愴淚沾臆

東海有勇婦代漢鞞舞歌關中有賢女

梁山感杞妻慟哭為之傾金石忽暫開都由激深



情東海有勇婦何慙蘇子卿學劍越處子超騰一作

然若流星捐軀報夫讎萬死不顧生白刃耀素雪

蒼天感精誠十步兩跳一作躍三呼一交兵斬首

掉國門蹴踏五藏行豁此伉儷憤粲然大義明北

海李史君飛章奏天庭捨罪警風俗流芳播滄瀛

志今本在列女籍竹帛以光榮淳于免詔獄漢主

為緹縈津妾一棹歌脫父於嚴刑十子若不肖不

如一女英豫讓斬空衣有心竟無成要離殺慶忌

壯夫所素輕妻子亦何辜焚之買虛聲豈如東海

婦事立獨揚名

黃葛篇

黃葛生洛谿黃花自綿纂青煙蔓長條繚繞繞幾百

尺閨人費素手采緝作絺綌宋本為絕國衣遠

寄日南客蒼梧大火落暑服莫輕擲此物雖過時

是妾手中跡

白馬篇

龍馬花雪毛一作金鞍五陵豪秋霜切玉劍落日

明珠袍鬪雞事萬乘軒蓋一何高弓摧南宋板山



言系 虎手接太行 猱酒後競風采 三杯弄寶刀 殺人如

剪草劇孟同遊 遨發憤去函谷 從軍向臨洮 叱咤

經百戰今本作萬戰場 匈奴盡奔逃宋本作波濤 歸來使酒氣

未肯拜一作下 蕭曹羞入原 憲室荒徑一作濞 隱蓬蒿

怨歌行

十五入漢宮 花顏笑一作如 春紅君王選 玉色侍寢

金一作錦 屏中薦枕嬌 夕月卷衣戀香一作春 風寧知

趙飛燕奪寵 恨無窮 沈憂能傷人 綠鬢成霜蓬 一

朝不得意 世事徒一作信 為空鷓鴣 換美酒 舞衣罷

雕龍一作籠 寒苦不忍言 為君奏絳桐 腸斷絃亦絕

悲心夜忡忡

塞下曲二首

天兵下北荒 胡馬欲南飲 橫戈從百戰 直為銜恩

甚 握雪海上餐 拂沙隴頭寢 何當破月氏 然後方

高枕

白馬黃金塞 雲沙遶夢思 那堪愁苦節 遠憶邊城

兒 螢飛秋牕滿 月度霜閨遲 摧殘梧桐葉 蕭颯沙

棠枝 無時獨不見 流淚空自知



詩紀 盛唐卷之四十九  
烽火動沙漠連照甘泉雲漢皇按劍起還召李將  
軍兵一作殺氣天上合鼓聲隴底聞橫行負勇氣一  
戰淨妖氛

塞上曲

大漢無中策匈奴犯渭橋五原秋草綠胡馬一何  
驕命將征西極橫行陰山側燕支落漢家婦女無  
花色轉戰渡黃河休兵樂事多蕭條清萬里瀚海  
寂無波

大堤曲

漢水橫一作臨襄陽花開大堤煖佳期大堤下淚向  
南雲滿春風復無情吹我夢魂散不見眼中人天  
長音信斷

湖邊采蓮婦

小姑織白紵未解將人語大嫂采芙蓉谿湖千萬  
重長兄行不在莫使外人逢願學秋胡婦貞心比

古松

鼓吹入朝曲

金陵控海浦淥水帶吳京鏡歌列騎吹颯沓引公



言系 盛唐卷之四十九  
卿槌鐘速嚴妝伐鼓啟重城天子憑玉几劔履若  
雲行日出照萬戶簪裾爛明星朝罷沐浴閑遨遊  
闕風亭濟濟雙闕下歡娛樂恩榮

秦女休行

西門秦氏女秀色如瓊花手揮白楊刀清晝殺讎  
家羅袖灑赤血英聲凌紫霞直上西山去關吏相  
邀遮堦爲燕國王身被詔獄加犯刑若履虎不畏  
落爪牙素頸未及斷摧眉伏泥沙金雞忽放赦大  
辟得寬賒何慙聶政姊萬古共驚嗟

秦女卷衣

天子居未央妾來

今本作侍

卷衣裳顧無紫宮寵敢拂

黃金牀水至亦不去熊來尚可當微身奉日月飄

若螢火

一作之

光願君采葑菲無以下體妨

東武吟

一題作出東門後書  
懷留別翰林諸公

好古笑流俗素聞賢達風方希佐明主長揖辭成

功白日在高天迴光燭微躬恭承鳳凰詔歛起雲

蘿中清切紫霄

一作垣

迴優游丹禁通君王賜顏色

聲價凌煙虹乘輿擁翠蓋扈從金城東寶馬麗絕



景錦衣入新豐倚今本巖望松雪對酒鳴絲桐因

學揚子雲獻賦甘泉宮天書美片善清芬播無窮

歸來入咸陽談笑皆王公今本無以一朝去金馬

飄落成飛蓬賓客一作日踈散玉樽亦已一作空

才力猶可恃一作不慙世上雄閑作東武吟曲盡

情未終書此謝知己吾尋黃綺翁一作扁舟

尋鈞翁邯鄲才人嫁為厮養卒婦

妾本崇臺女揚蛾入丹闕自倚顏如花寧知有凋

歇一辭玉階下去若朝雲沒每憶邯鄲城深宮夢

秋月君王不可見惆悵至明發

出自薊北門行

虜陣橫北荒胡星耀精芒羽書速驚電烽火晝連

光虎竹救邊急戎車森已行明主不安席按劍心

飛揚推轂出猛將連旗登戰場兵威衝絕漠殺氣

凌穹蒼列陣一作赤山下開營紫塞傍孟冬風沙

緊旌旗颯凋傷畫角悲海月征衣卷天霜揮刃斬

樓蘭彎弓射賢王單于一平蕩種落自奔亡收功

報天子歌舞一作歸咸陽



北上行

北上何所苦北上緣太行磴道盤且峻巉巖凌穹  
蒼馬足蹶側石車輪推高岡沙塵接幽州烽火連  
朔方殺氣毒劔戟嚴風裂衣裳奔鯨夾黃河鑿齒  
屯洛陽前行無歸日返顧思舊鄉慘慼冰雪裏悲  
號絕中腸尺布不掩體皮膚劇枯桑汲水澗谷阻  
採薪壠坂長猛虎又掉尾磨牙皓秋霜草木不可  
餐饑飲零露漿歎此北上苦停驂爲之傷何日王  
道平開顏覩天光

短歌行

白日何短短百年苦易滿蒼穹浩茫茫萬劫太極  
長麻姑垂兩鬢一半已成霜天公見玉女大笑億  
千場吾欲攬六龍迴車挂扶桑北斗酌美酒勸龍  
各一觴富貴非所願爲今本人駐顏一作流光

空城雀

嗷嗷空城雀身計何戚促本與鷓鴣羣不隨鳳凰  
族提攜四黃口飲乳未嘗足食君糠粃餘常恐烏  
鳶逐一作耻涉太行險羞營覆車粟天命有定端



守分絕所欲

發白馬

將軍發白馬旌節渡黃河蕭鼓聒川嶽滄溟湧濤

一作洪波武安有振瓦易水無寒歌鐵騎若雪山飲

流涸滹沱揚兵獵月窟轉戰畧朝那倚劔登燕然

邊鋒列嵯峨蕭條萬里外耕作五原多一掃清大

漠包虎戢金戈

陌上桑

美女渭橋東

一作遊女  
細綺衣

春還事蠶作五馬如飛龍

宋板  
作花

青絲結金絡不知誰家子調笑來

一作還  
來事相

謔妾本秦羅敷玉顏豔名都綠條映素手採桑向

城隅使君且不顧况復論秋胡寒蜚愛碧草鳴鳳

棲青梧託心自有處但恠傍人愚徒令白日暮高

駕空踟躕

枯魚過河泣

白龍改常服偶被豫且制誰使爾為魚徒勞訴天

帝作書報鯨鯢勿恃風濤勢濤落歸泥沙翻遭螻

蟻噬萬乘慎出入柏人以為識

一作  
識



丁督護歌

雲陽上征去兩岸饒商賈吳牛喘月時拖船一何  
 苦水濁不可飲壺漿半成土一唱都護歌心摧淚  
 如雨萬人鑿盤石無由達江滄君看石芒碭掩淚  
 悲千古

相逢行

朝騎五花馬謁帝出銀臺秀色誰家子雲車一作中  
 珠箔開金鞭遙指點玉勒近一作作遲回來轂相借  
 問疑一作知從天上來一本此下有憐腸愁欲斷斜日復相催下車何輕盈飄飄

似落梅

邀一作感

入青綺門當歌共銜杯

以上二句一作嬌羞

初解佩語

銜杯映歌扇似月雲中見相見不得

一作

相親不如不相見相見情已深未語可知心胡為

守空閨孤眠愁錦衾錦衾與羅幃纏綿會有時春

風正澹蕩

一作糾結

暮雨來何遲願因三青鳥更報

一作

却寄長相思光景不待人須臾髮成絲當

一作壯年失

行樂老去

一作大

徒傷悲持此道密意毋令曠佳期

千里思

李陵沒胡沙蘇武還漢家迢迢五原關朔雪亂邊



花

一作愁見  
雪如花

一去隔絕國思歸但長嗟鴻鴈向西

北因

一作飛

書報天涯

樹中草

鳥銜野田草誤入枯桑裏客土植危根逢春猶不

死草木雖無情因依尚可生如何同枝葉各自有

枯榮

折楊柳

垂楊

一作楊柳

拂淥水

搖豔

一作豔

東風年花明玉關雪

葉煖金牕煙美人結長想

一作恨

對此心悽然攀條

折春色遠寄龍庭前

一作沙邊

少年子

青雲少年子挾彈章臺左鞍馬四邊開突如流星

過金丸落飛鳥夜入瓊樓卧夷齊是何人獨守西

山餓

少年行

擊筑飲美酒劒歌易水湄經過燕太子結託并州

兒少年負壯氣奮烈自有時因聲

今本作擊非

魯勾踐

爭搏勿相欺



豫章行

胡風吹代馬一作燕人北擁魯陽關吳兵照海雪

西討何時還半渡上遼津黃雲慘無顏老母與子

別呼天野草間百鳥一作白馬繞旌旗悲鳴相追攀白

楊秋月苦早落豫章山本為休明人斬虜素不閑

豈惜戰鬪死為君掃兇頑精感石沒羽豈云憚險

艱樓船若鯨飛波蕩落星灣此曲不可奏二軍鬢

一作髮成斑

沐浴子

沐芳莫彈冠浴蘭莫振衣處世忌太潔志今本人

貴藏輝滄浪有釣叟吾與爾同歸作至

鳳凰曲

羸女吹玉簫吟弄天上春青鸞不獨去更有攜手

人影滅彩雲斷遺聲落西秦

秋思

春陽如昨日碧樹鳴黃鸝蕪然蕙草暮颯爾涼風

吹天秋木葉下月冷莎雞悲坐愁羣芳歇白露凋

華滋



春思

燕草如碧絲，秦桑低綠枝。當君懷歸日，是妾斷腸時。春風不相識，何事入羅幃。

子夜四時歌四首

集題作子夜吳歌

秦地羅敷女，采桑綠水邊。素手青條上，紅妝白日鮮。蠶饑妾欲去，五馬莫留連。

鏡湖三百里，菡萏發荷花。五月西施采，人看隘若耶。回舟不待月，歸去越王家。

長安一片月，萬戶擣衣聲。秋風吹不盡，總是玉關

情。何日平胡虜，良人罷遠征。

明朝驛使發，一夜絮征袍。素手抽針冷，那堪把剪刀。裁縫寄遠道，幾日到臨洮。

對酒行二首

松子棲金華，安期入蓬海。此人古之仙，羽化竟何在。浮生速流電，倏忽變光彩。天地無彫換，容顏有遷改。對酒不肯飲，含情欲誰待。

勸君莫拒杯，春風笑人來。桃李如舊識，傾花向我開。流鶯啼碧樹，明月窺金壘。昨來朱顏子，今日白



言系  
盛唐卷之四十九  
髮催棘生石虎殿鹿走姑蘇臺自古帝王宅城闕  
閉黃埃君若不飲酒昔人安在哉

長歌行

桃李得

一作待

日開榮華照當年東風動百物草木

盡欲言枯枝無醜葉涸水吐清泉大力運天地義  
和無停鞭功名不早著竹帛將何宣桃李務青春  
誰能貫白日富貴與神仙蹉跎成兩失金石猶銷  
鑠風霜無久質畏落日月後強歡歌與酒秋霜不  
惜人倏忽侵蒲柳

南都行

南都信佳麗武關橫西關白水真人居萬商羅鄜  
闐高樓對紫陌甲第連青山此地多英豪邈然不  
可攀陶朱與五穀名播天壤間麗華秀玉色漢女  
嬌朱顏清歌遏流雲豔舞有餘閑遨遊盛宛洛冠  
蓋隨風還走馬紅陽城呼鷹白河灣誰識臥龍客  
長吟愁鬢斑

秋浦歌二首

秋浦長似秋蕭條使人愁客愁不可度行上東大



樓正西望長安下見江水流寄言向江水汝意憶  
儂不遙傳一掬淚為我達揚州

千千石楠樹萬萬女貞林山山白鷺滿澗澗白猿  
吟君莫向秋浦猿聲碎客心

玉真仙人詞

按唐史玉真公主字持盈始封崇昌縣主俄進號上清玄

都大洞三景法師天寶三載上言曰先帝許妾捨家今仍叨三策食租賦願去公主號罷邑司歸之玉府玄宗不許又言妾高宗之孫睿宗之女陛下之女弟於天下不為賤何必名繫主號資湯沐然後為貴帝知至意乃許之寶應時薨  
玉真之仙一作真人時往太華峯清晨鳴天鼓飈歛

騰雙龍弄電不輟手行雲本無蹤幾時入少室王  
母應相逢

清谿行

一題作宣州清谿

清谿清我心水色異諸水借問新安江見底何如  
此人行明鏡中鳥度屏風裏向晚猩猩啼空悲遠  
遊子

歷陽壯士勤將軍名思齊歌

并序

歷陽壯士勤將軍神力出於百夫則天太后召  
見奇之授遊擊將軍賜錦袍玉帶朝野榮之後



言  
拜橫南將軍大臣慕義結十友即燕八張說館  
陶公郭元振爲首余壯之遂作詩

太古歷陽郡化爲洪川在江山猶鬱盤龍虎秘光  
彩蓄洩數千載風雲何靈靈音音特生勤將軍神  
力百夫倍

擬古

融融白玉輝映我青蛾眉寶鏡似空水落花如風  
吹出門望帝宋板子蕩漾不可期安得黃鶴羽一  
報佳人知

古意

君爲女蘿草妾作兔絲花輕條不自引爲逐春風  
斜百丈託遠松纏絲成一家誰言會面一作易各  
在青山崖女蘿發馨香兔絲斷人腸枝枝相糾結  
葉葉競飄揚生子不知根因誰共芬芳中巢雙翡  
翠上宿紫鴛鴦若識二草心海潮亦可量



盛唐第四十九

盛唐第五十

唐詩紀一百十

鄆郡吳 瑄彙編

永嘉周才甫同校

李白

五言古詩

古風六十一首

大雅久不作吾衰竟誰陳  
王風委蔓草戰國多荆榛  
龍虎相啖食兵戈逮狂秦  
正聲何微茫哀怨起騷人  
揚馬激頽波開流蕩無垠  
廢興雖萬變憲章



亦已淪自從

一作

建安來綺麗不足珍聖代復元

古垂衣貴清真羣才屬休明乘運共躍鱗文質相

炳煥衆星羅秋旻我志在刪述垂輝映千春希聖

如有立絕筆於獲麟

蟾蜍薄太清蝕此瑤臺月圓光虧中天金魄遂淪

沒蟠螭入紫微大明夷朝暉浮雲隔兩曜萬象昏

陰霏蕭蕭長門宮昔是今已非桂蠹花不實天霜

下嚴威沈歎終永夕感我涕沾衣

秦皇掃六合虎視何雄哉揮

今本

劍決浮雲諸侯

盡西來明斷自天啓

一作雄圖  
發英斷

大畧駕羣才收兵

鑄金人函谷正東開銘功會稽嶺騁望瑯琊臺刑

徒七十萬起土驪山隈尚采不死藥茫然使人

一作

心哀連弩射海魚長鯨正崔巍額鼻象五嶽揚波

噴雲雷鬣蔽青天何由覩蓬萊徐氏

一作

載秦

女樓船幾時迴但見三泉下金棺葬寒灰

鳳飛九千仞五章備綵珍銜書且虛歸空入周與

秦橫絕歷四海所居未得鄰吾營紫河車千載落

風塵藥物秘海嶽採鉛清谿濱時登大樓山舉手



望仙真羽駕滅去影飈車絕迴輪尚恐丹液遲志  
願不及申徒霜鏡中髮羞彼鶴上人桃李何處開  
此花非我春唯應清都境長與韓衆親

太白何蒼蒼星辰上森列去天三百里邈爾與世

絕中有綠髮翁披雲一作春卧松雪不笑亦不語冥

棲在巖穴我來逢真人長跪問寶訣粲然忽自哂

一作啓授以鍊藥說銘骨傳其語竦身已電滅仰

望不可及蒼然五情熱吾將營丹砂永與世人別

岱馬不思越越禽不戀燕情性有所習土風固其

然昔別鴈門關今戍龍庭前驚沙亂海日飛雪迷  
胡天蟣蝨生虎鶻心蒐逐旌旃苦戰功不賞忠誠  
難可宣誰憐李飛將白首沒三邊

客有鶴上仙一作五鶴飛飛凌太清揚言碧雲裏

一作仙人自道安期名兩兩白玉童雙吹紫鸞笙

去影忽不見迴風送天聲一作飄然下倒舉首遠

望之一一作我欲飄然若流星願餐金光草壽與天

齊傾未四句一本作遺我金光草服之

咸陽二三月宮柳黃金枝一作百鳥綠幘誰家子

詩已



言糸  
賣珠輕薄兒

一作玉劍誰家  
子西秦豪俠兒

日暮醉酒歸白馬驕

且馳意氣人所仰

一作傾

冶遊方及時子雲不曉事

晚獻長楊辭賦達身已老草玄鬢若絲投閣良可  
歎但為此輩嗤

莊周夢胡蝶胡蝶為莊周一體更變易萬事良悠

悠乃

一作那

知蓬萊水復作清淺流青門種瓜人舊

一作昔

日東陵侯富貴固

一作苟又作故

如此營營何所求

齊有個儻生魯連特高妙明月出海底一朝開光  
曜却秦振英聲後世仰末照意輕千金贈顧向平

原笑吾亦澹蕩人拂衣可同調

黃河走東溟白日落西海逝川與流光飄忽不相

待春容捨我去秋髮已衰改人生非寒松年貌

顏

豈長在吾當乘雲螭吸景駐光彩

末二句一作誰能學天飛

二三秀與君采

松柏本孤直難為桃李顏昭昭嚴子陵垂釣滄波

間身將客星隱心與浮雲閑長揖萬乘君還歸富

春山清風灑六合邈然不可攀使我長歎息冥棲

巖石間

詩已

或言卷之五

四



君平既棄世世亦棄君平觀變窮太易探元一作

化羣生寂寞綴道論空簾閉幽情騶虞不虛一作

來鸞鷲有時鳴安知天漢上白日懸高名海客去

已久誰人能一作測沉冥

胡關饒風沙蕭索一作竟終古歲一作落秋草黃

登高望戎虜荒城空大漠邊邑無遺堵白骨橫千

霜嵯峨蔽榛莽借問誰凌霄天驕毒威武赫怒我

聖皇勞師事鼙鼓陽和變殺氣發卒騷中土三十

六萬人哀哀淚如雨且悲就行役安得營農圃不

見征戍兒豈知關山苦一本此下有爭鋒徒死節

將軍獲圭李牧一作今不在邊人飼豺虎一作

燕昭延郭隗遂築黃金臺劇辛方趙至一作鄒衍

復齊來奈何青雲士棄我如塵埃珠玉買歌笑糟

糠養賢才方知黃鶴舉千里獨徘徊

寶劍雙蛟龍雪花照芙蓉精光射天地雷騰不可

衝一去別金匣飛沈失相從風胡滅已久所以潛

其鋒吳水深萬丈楚山邈千里雌雄終不隔神物

會當宋本相逢



言糸  
金華牧羊兒乃是紫煙客我願從之遊未去髮已

白不知繁華一作朱顏子擾擾何所迫崑山采瓊蕊一作

豨豨可以煉精魄

天津三月時千門桃與李朝為斷腸花暮逐東流

水前水復後水古今相續流一作今人非舊人年

年橋上遊雞鳴海色動謁帝羅公侯月落西上陽

一作上陽西餘輝半城樓衣冠照雲日朝下散皇州鞍

馬如飛龍黃金絡馬頭行人皆辟易志氣橫高丘

入門上高堂列鼎錯珍羞香風引趙舞清管隨齊

謳七十紫鴛鴦雙雙戲庭幽行樂爭晝夜自言度

千秋功成身不退自古多愆尤黃犬空歎息綠珠

成釁讎何如鴟夷子散髮棹一作弄扁舟

西嶽宋板蓮花山迢迢見明星素手把芙蓉虛步

躡太清霓裳曳廣帶飄拂昇天行邀我登雲臺高

揖衛叔卿恍恍與之去駕鴻凌紫冥俯視洛陽川

茫茫走胡兵流血塗野草豺狼盡冠纓

昔我遊齊都登華不注峯茲山何峻秀綠翠如芙

蓉蕭颯古仙人了知是赤松借予一白鹿自挾兩



言糸  
屈居卷之五十一  
青龍含笑凌倒景欣然願相從

以下三首世本俱作一首按宋本作

三首今一從之

泣與親友別欲語再三咽勗君青松心努力保霜雪世路多險艱白日欺紅顏分首一作手各千里去  
去何時還

在世復幾時倏如飄風度空聞紫金經白首愁相誤撫已忽自笑沈吟爲誰故名利徒煎熬安得閑  
余步終留赤玉舄東上蓬萊一作山路秦帝如我求  
蒼蒼但煙霧

郢客吟白雪遺響飛青天徒勞歌此曲舉世誰爲傳試爲巴人唱和者乃數千吞聲何足道歎息空  
悽然

秦水別隴首幽咽多悲聲胡馬顧朔雪蹊蹠長嘶鳴感物動我心緬然含歸情昔視秋蛾飛今見春蠶生  
嫋嫋桑柘一作結葉萋萋柳垂榮急節謝流水  
羈心搖懸旌揮涕且復去惻愴何時平

秋露白如玉團團下庭綠我行忽見之寒早悲歲促人生猶鳥過  
宋板作生猶鳥過日胡乃自結束景公一何



愚牛山淚相續物苦不知足登一作隴又望蜀人  
心若波瀾世路多一作有屈曲三萬六千日夜夜當  
秉燭

大車揚飛塵亭午暗阡陌中貴多黃金連雲開甲  
宅路逢鬪雞者冠蓋何輝赫鼻息干虹蜺行人皆  
怵惕世無洗耳翁誰知堯與跖  
世道日交喪澆風散淳源不采芳桂枝反棲惡木  
根所以桃李樹吐花竟不言大運有興沒羣動爭  
飛奔歸來廣成子去入無窮門

碧荷生幽泉朝日豔且鮮秋花冒綠水密葉羅青  
煙秀色空絕世馨香竟誰一作誰傳坐看飛霜滿凋  
此紅芳年結根未得所願託華池邊

燕趙有秀色綺樓青雲端眉目豔皎月一笑傾城  
歡常恐碧草晚坐泣秋風寒纖手怨玉琴清晨起  
長歎焉得偶君子共乘雙飛鸞

容顏若飛電時景如飄風草綠霜已白日西月復  
東華髮不耐秋颯然成衰蓬古來賢聖人一一誰  
成功君子變猿鶴小人爲沙蟲不及廣成子乘雲



駕輕鴻

三季分戰國七雄成亂麻王風何怨怒世道終紛

拏至人洞玄宋板作元象高舉凌紫霞仲尼亦一作欲浮

海吾祖之流沙聖賢共淪沒臨岐胡咄嗟

玄風變太古道喪無時還擾擾季葉一作市井人雞鳴

趨四關但識金馬門誰一作詎知蓬萊山白首死羅

綺笑歌無時一作休閑綠酒晒丹液青娥凋素顏一作

萋萋千金骨風塵彫素顏大儒揮金槌琢之宋板作發塚詩禮間蒼

蒼三珠樹冥目焉能攀

鄭客西入關行行未能已白馬華山君相逢平原

里壁遺鎬池君明年祖龍死秦人相謂曰吾屬可

去矣一往桃花源千春隔流水

蓐收肅金氣西陸弦海月秋蟬號階軒感物憂不

歇良辰竟何許大運有淪忽天寒悲風生夜久衆

星沒惻惻不忍言哀歌逮一作達明發

北溟有巨魚身長數千里仰噴三山雪橫吞百川

水憑陵隨海運烜一作燁赫因風起吾觀摩天飛九

萬方未已

詩已

成書卷之五十一

七



羽檄如流星虎符合專城喧呼救邊急羣鳥皆夜  
鳴白日曜紫微三公運權衡天地皆得一澹然四  
海清借問此何爲荅言楚徵兵渡瀘及五月將赴  
雲南征怯卒非戰士炎方難遠行長號別嚴親日  
月慘光晶泣盡繼以血心摧兩無聲困獸當猛虎  
窮魚餌奔鯨千去不一回投軀豈全生如何舞干  
戚一使有苗平

醜女來效顰還家驚四鄰壽陵失本步笑殺邯鄲  
人一曲一作東西斐然子雕蟲喪天真棘刺造沐猴三

年費精神功成無所用楚楚且華一作榮身大雅思

文王頌聲久崩淪安得郢中質一揮成斧斤一作承風

斤一運

抱玉入楚國見疑古所聞良寶終見棄徒勞三獻  
君直木忌先伐芳蘭哀自焚盈滿天所損沈冥道  
爲羣東海汎碧水一作流西關乘紫雲魯連及柱史

可以躡清芬按感興第七首云竭來荆山客誰爲

木忌先伐芬蘭哀自焚盈滿天所損沈冥道所羣  
東海有碧水西山多白雲魯連及夷齊可以躡清  
芬止異十餘  
字今附于此

詩已

武庫書卷之五十一



燕臣昔慟哭五月飛秋霜庶女號蒼天震風擊齊堂精誠有所感造化為悲傷而我竟何辜遠身金

殿傍一本無以浮雲蔽紫闥白日難回光羣沙穢

明珠衆草凌孤芳古來共歎息流淚空沾裳

孤蘭生幽園衆草共蕪沒雖照陽春暉復悲高秋

月飛霜草浙瀝綠豔恐休歇若無清風吹香氣為

誰發

登高望四海天地何漫漫霜被羣物秋風飄大荒

寒榮華東流水萬事皆波瀾白日掩徂輝浮雲無

定端梧桐巢燕雀枳棘棲鸚鵡且復歸去來劔歌

行一作悲路難一本作登高望四海天地何漫漫霜

浮雲蔽層巒孤鳳鳴天倪遺聲何辛酸遊人悲舊

國撫心亦盤桓倚劍歌所思曲終涕泗瀾泗一作

鳳饑不啄粟所食唯琅玕焉能與羣雞刺一作促

爭一餐朝鳴崑丘樹夕飲砥柱湍歸飛海路遠獨

宿天霜寒幸遇王子晉結交青雲端懷思未得報

感別空長歎

朝弄紫泥海一作朝駕夕披丹霞裳揮手折若木



言糸  
五居卷之五  
拂此西日光雲舉今本遊八極玉顏已千一作霜

飄飄入無倪稽首祈上皇呼我遊太素玉杯賜瓊

漿一餐歷萬歲何用還故鄉永隨長風去天外恣

飄揚

搖裔雙白鷗鳴飛滄江流宜與海人狎豈伊雲鶴

儔寄形宿沙月沿芳戲春洲吾亦洗心者忘機從

爾遊

周穆八荒意漢皇萬乘尊滯樂心不極雄豪安足

論西海宴王母北宮邀上元瑤水聞遺歌玉杯竟

空言靈跡成蔓草徒悲千載竟

綠蘿紛葳蕤繚繞松柏枝草木有所託歲寒尚不

移奈何天桃色坐歎葑菲詩玉顏豔紅彩雲髮非

素絲君子恩已畢賤妾將何為

八荒馳驚飈萬物盡凋落浮雲蔽頽陽洪波振大

壑龍鳳脫網罟飄颻將安託去去乘白駒空山詠

場藿

一百四十年國容何赫然隱隱五鳳樓峨峨橫三

川王侯象星月賓客如雲煙以上六句一本作帝

京信佳麗國容何赫



然劍戟擁九關歌鐘沸三川鬪雞金宮裏蹴鞠瑤

蓬萊象天構珠翠誇雲仙臺邊一作走馬舉動搖白日指揮回青天當塗何

翁忽失路長棄捐獨有揚執戟閉關草太玄

桃花開東園含笑誇白日偶蒙東風榮生一作此

豔陽質豈無佳人色但恐花不實宛轉龍火飛零

落早相失詎知南山松獨立自蕭颯按感興第四首云芙蓉嬌

綠波桃李誇白日偶蒙春風榮生此豔陽質豈無佳人色但恐花不實宛轉龍火飛零落互相失詎

知凌寒松千載長守一首尾小異今附于此

秦王按寶劍赫怒震威神逐日巡海右驅石駕滄

津徵卒空九寓作橋傷萬人但求蓬島藥豈思農

屬春力盡功不贍千載為悲辛

美人出南國灼灼芙蓉姿皓齒終不發芳心空自

持由來紫宮女共妬青蛾眉歸去瀟湘沚沈吟何

足悲

宋國梧臺東野人得燕石首二句一作宋人枉誇千金去國買燕石

作天下珍却晒趙王璧趙璧無緇磷燕石非貞真

流俗多錯誤豈知玉與珉

殷后亂天紀楚懷亦已昏夷羊滿中野葦施盈高



門比干諫而死屈平竄湘源虎口何婉變女須空

嬋媛一作姁彭咸久淪沒此意與誰論

青春流驚濤朱明一作火驟迴薄不忍看秋蓬飄揚

竟何托光風滅蘭蕙白露灑葵藿一作委蕭藿美人不

我期草木日零落

戰國何紛紛兵戈亂浮雲趙倚兩虎鬪晉為六卿

分姦臣欲竊位樹黨自相群果然田成子一旦殺

齊君

倚劍登高臺悠悠送春日蒼榛蔽層丘瓊草隱深

谷鳳鳥鳴西海欲集無珍木鸞斯得所一作居

棲蒿下盈萬族晉風日已頽窮途方慟哭以上六句一作

翩翩衆鳥飛翱翔在珍木羣花亦便娟榮耀非一族歸來愴途窮日暮還慟哭

齊瑟彈一作揮東吟秦絃弄西音慷慨動顏魄使人

成荒淫彼美佞邪子婉變來相尋一笑雙白璧再

歌千黃金珍色不貴道詎惜飛光沈安識紫霞客

瑤臺鳴玉今本素琴

越客采明珠提攜出南隅清輝照海月美價傾鴻

一作皇都獻君君按劍懷寶空長吁魚目復相哂寸



詩系  
心增煩紆

羽族稟萬化小大各有依周周亦何辜六翮掩不  
揮願銜衆禽翼一向黃河飛飛者莫我願歎息將  
安歸

我行

一作到

巫山渚尋古登陽臺天空彩雲滅地遠

清風來神女去已久襄王安在哉荒淫竟淪沒

一作

替樵牧徒悲哀

惻惻泣路岐哀哀悲素絲路岐有南北素絲易變

移

今本此下有萬事固如此人生無定期田竇相傾奪賓客互盈虧四句

谷風刺輕

薄

今本作世途多翻覆

交道方嶮巖斗酒強然諾寸心終自

疑張陳竟火滅蕭朱亦星離衆鳥集榮柯窮魚守

枯

一作空

池嗟嗟失歡客勤問何所規

一作悲



盛唐第五十

盛唐第五十一

唐詩記一百十一

鄆郡吳 瑄彙編

永嘉周才甫同校

李白

五言古詩

獻從叔當塗宰陽冰

金鏡霾六國亡新

一作秦

亂天經焉知高光起自有

羽翼生蕭曹安峴岬耿賈摧櫓槍吾家有季父傑

出聖代英雖無三台位不借四豪名激昂風雲氣



言終  
屈居卷之五十一  
終協龍虎精弱冠燕趙來賢彥多逢迎魯連善談  
笑季布折公卿遙知禮數絕常恐不合弁惕想結  
宵夢素心久已冥顧慙青雲器謬奉玉樽傾山陽  
五百年綠水忽再榮高歌振林木大笑喧雷霆落  
筆灑篆文崩雲使人驚吐辭又炳煥五色羅華星  
秀句滿江國高才掞天庭宰邑艱難時浮雲空古  
城居人若薙草掃地無纖莖惠澤及飛走農夫盡  
歸耕廣漢水萬里長流玉琴聲雅頌播吳越還如  
太階平小子別金陵來時白下亭羣鳳憐客鳥差

池相哀鳴各拔五色毛意重太山輕贈微所費廣  
斗水澆長鯨彈劍歌苦寒嚴風起前楹月銜天門  
曉霜落牛渚清長歎卽歸路臨川空屏營

翰林讀書言懷呈集賢院內諸學士

晨趨紫禁中夕待金門詔觀書散遺帙探古窮至  
妙片言苟會心掩卷忽而笑青蠅易相點白雪難  
同調本是疎散人屢貽褊促誚雲天屬清朗林壑  
憶遊眺或時清風來閑倚欄一作下嘯嚴光桐廬  
谿謝客臨海嶠功成謝人君一作從此一投釣



言糸 屈唐卷之五十一  
繫潯陽上崔相渙

毛遂不墮井曾參寧殺人虛言誤公子投杼感慈親  
親白璧雙明月方知一玉真

獄中上崔相渙

胡馬渡洛水血流征戰場千門閉秋景萬姓危朝  
霜賢相燮元氣再欣海縣康台庭有夔龍列宿粲  
成行羽翼三元聖發輝兩太陽應念覆盆下雪泣  
拜天光

贈張相鎬二首

時逃難在宿松山作

神器難竊弄天狼窺紫宸六龍遷一作駕白日四海

一作九洛暗胡塵昊穹降元宰君子方經綸澹然養浩

氣歛起持天今本作大鈞秀骨象山嶽英謀合鬼神佐

漢解鴻門興一作生唐為後身一作功成擁旄秉金

鉞伐鼓乘朱輪虎將如雷電一作霆總戎向東巡諸

侯拜馬首猛士騎鯨鱗澤被魚鳥悅令行草木春

逢聖一作聖智不失時建功及良辰醜虜安足紀一作絕

可貽幘與巾倒瀉溟海珠盡為入幕珍馮異獻赤

伏鄧生倏來臻庶同昆陽舉再覩漢儀新昔為管

詩已

賦唐卷之五十一

三



將鮑中奔吳隔秦一生欲報主百代期榮親其事  
竟不就哀哉難重陳臥病古松滋一作宿蒼山一作

茫空四鄰風雲激壯志枯槁驚常倫聞君自天來

目張氣益振亞夫得劇孟七一作敵國空一作定無人

捫蝨對桓公願得論悲辛大塊方噫氣何辭鼓青

蘋斯言儻不合歸老漢江濱

本家一作家本隴西人先代一作代為漢邊將功畧天地中

一作蓋名飛青雲上苦戰竟不侯當一作富年頗惆

悵世傳崆峒勇氣激金風壯英烈遺厥孫百代神

猶王十五觀音書作賦凌相如龍顏惠殊寵麟閣

憑天居一作侍從晚途未云已蹭蹬遭讒毀想像

晉末時崩騰胡塵起衣冠陷鋒鏑戎虜盈一作荆

朝市石勒窺神州劉聰劫天子撫劍夜吟嘯雄心

日千里誓欲斬鯨鯢澄清洛陽水六合一作三台灑霖

雨萬物一作六合無彫枯我揮一杯水自笑何區區因

人耻成事貴欲決良圖滅虜不言功飄然陟一作向

蓬壺惟有安期舄留之滄海隅

贈從兄襄陽少府皓



結髮未識事所交盡豪雄却秦不受賞救趙一作擊晉  
 寧為功託身白刃裏殺人紅塵中當朝揖高義舉  
 世欽英風小節豈足言退耕春陵東歸來無產業  
 生事如轉蓬一朝烏裘敝百鑑黃金空彈劍徒激  
 昂出門悲路窮吾兄青雲士然諾聞諸公所以陳  
 片言片言貴情通棟華儻不接甘與秋草同

淮海對雪贈傅靄

一作淮南對雪贈孟浩然

朔雪落吳天從風渡溟渤海樹成陽春江沙皓明  
 月飄飄四荒外想像千花發瑤草生階墀玉塵散

庭闕

今本無以上二句

剡谿與空在郢路歌未歇寄君梁

父吟曲盡心斷絕

後四句一作曲與從剡谿起思繞梁園發寄君郢中歌曲罷心斷絕

絕

贈徐安宜

白田見楚老歌詠徐安宜製錦不擇地操刀良在  
 茲清風動百里惠化聞京師浮人若雲歸耕種滿  
 郊岐川光淨麥隴日色明桑枝訟息但長嘯賓來  
 或解頤青槐拂戶牖碧一作白水流園池遊子滯安  
 邑懷恩未忍辭繁君樹桃李歲晚託深期



早秋贈裴十七仲堪

遠海動風色吹秋一作愁落天涯南星變大火熱氣

餘丹霞光景不可迴六龍轉天車荆人泣美玉魯

叟悲匏瓜功業若夢中一作裏推一作撫琴發長嗟裴

生信一作實英邁崛起多才華歷抵海岱豪結交魯

朱家以上二句一本作歷遊良圖竟未展意欲飛

丹砂破產且救人遺身不為家今本無以復攜兩

少妾一作女豔色驚荷花雙歌入青雲但惜白日斜

窮一作滄溟出寶貝大澤饒龍蛇明主儻一作必見收

煙霄路非賒知飛萬里道勿使歲寒嗟末二句今本作時命

若不曾歸應鍊丹砂

贈范金卿二首

君子枉清盼不知東走迷離家未幾月絡緯鳴中

閨桃李君不言攀花願成蹊那能吐芳信惠好相

招攜我有結綠珍久藏濁水泥時人棄此物乃與

燕珉今本齊撫拭欲贈之申眉路無梯遼東慙白

豕楚客羞山雞徒有獻芹心終流泣玉啼祗應自

索漠畱舌示山妻



詩系 盧唐卷之五十一 六  
范宰不買名絃歌對前楹爲邦默自化日覺冰壺  
清百里雞犬靜千廬機杼鳴浮人少蕩析愛客多  
逢迎遊子覩嘉政因之聽頌聲

贈瑕丘王少府

皎皎鸞鳳姿飄飄神仙氣梅生亦何事來作南昌  
尉清風佐鳴琴寂寞道爲貴一見過所聞操持難  
與羣毫揮魯邑訟目送瀛洲雲我隱屠釣下爾當  
玉石分無由接高論空此仰清芬

贈丹陽橫山周處士惟長

周子橫山隱開門臨城隅連峯入戶牖勝槩凌方  
壺時作一作枉白紵詞放歌丹陽湖水色傲溟渤川  
光秀菰蒲當其得意時心與天壤俱閑雲隨卷舒  
安識身有無抱石耻獻玉沈泉笑探珠羽化如可  
作相攜上清都一作攜手  
止清都

玉真公主別館苦雨贈衛尉張卿二首

秋一作愁坐金張館繁陰晝不開空煙迷雨色蕭颯  
望中來翳翳昏墊苦沈沈憂恨催清秋何以慰白  
酒盈吾杯吟咏思管樂此人已成灰獨酌聊自勉



誰貴經綸才彈劍謝公子無魚良可哀

苦雨思白日浮雲何由卷稷尚和天人陰陽仍驕

寒秋霖劇倒井昏霧橫絕巘欲往咫尺塗遂成山

川限濼濼奔溜瀉一作浩浩驚波轉泥沙塞中途

牛馬不可辨饑從漂母食閑綴羽陵簡園家逢秋

蔬藜藿不滿眼蠨蛸結思幽蟋蟀傷福淺厨竈無

青煙刀機生綠蘚投筓解鷓鴣換酒醉北堂丹徒

布衣者慷慨未可量何時黃金盤一檝薦檳榔功

成拂衣去搖裔一作滄洲傍

贈韋秘書子春

此詩世本自徒為風塵苦以下另作一首而髮韻作

鬚今按宋本攷定

谷口鄭子真躬耕在巖口高名動京師天下皆籍

籍斯文竟不起雲卧從所適苟無濟代心獨善亦

何益惟君家世者偃息逢休明談天信浩蕩說劍

紛縱橫謝公不徒然起來為蒼生秘書何寂寂無

乃羈豪英且復歸碧山安能戀金闕舊宅樵漁地

蓬蒿已應沒却顧女几峯胡顏見雲月徒為風塵

苦一官已白髮今本作鬚氣同萬里合訪我來瓊都披



雲觀青天捫蝨話良圖留侯將綺季一作出處未  
云殊終與安社稷功成去五湖

贈韋一作侍御黃裳二首

太華生長松亭亭凌霜雪天與百尺高豈為微颺

折桃李賣搖一作豔路人行且迷春光掃一作地

盡碧葉成黃泥願君學長松慎勿作桃李受屈不

改心然後知君子

見君乘驄馬知上太山一作道此地果摧輪全身

以為寶我如豐年玉棄置秋田草但勗冰壺心無

為歎衰老

贈何七判官昌浩

有時忽惆悵匡坐至夜分平明空嘯咤思欲解世

紛心隨長風去吹散萬里雲羞作一作濟南生九

十誦古文不然拂劍起沙漠收竒勳老死田一作

陌間何因揚清芬夫子今管樂英才冠三軍終與

同出處豈將沮溺羣

讀諸葛武侯傳懷贈長安崔少府叔封昆

季



漢道昔云季羣雄方戰爭霸圖各未立割據資豪  
英赤伏起顏運臥龍得孔明當其南陽時隴畝躬  
自耕魚水三顧合風雲四海生武侯立岷蜀壯志  
吞咸京何人先見許但有崔州平余亦草間士  
人頗懷拯物情晚途值子玉華髮同衰榮託意在  
經濟結交為弟兄毋令管與鮑千載獨知名

贈崔侍郎

黃河二尺鯉本在孟津居點額不成龍歸來伴凡  
魚故人東海客一見借吹噓風濤儻相因  
今本更

欲凌崑墟

一本此下有何當赤車使再往召相如二句

贈參寥子

白鶴飛天書南荆訪高士五雲在峴山果得參寥  
子骯髒辭故園昂藏入君門天子分玉帛百官接  
話言毫墨時灑落探玄有竒作著論窮天人千春  
秘麟閣長揖不受官拂衣歸林巒余亦去金馬藤  
蘿同所歡

一作攀

相思在何處桂樹青雲端

贈饒陽張司戶燧

朝飲蒼梧泉夕棲蒼海煙寧知鸞鳳意遠託椅桐



前慕蘭豈曩古攀稽是當年愧非黃石老安識子  
 房賢功業嗟落日容華棄徂川一語已道意三山  
 期着鞭蹉跎人間世寥落壺中天獨見遊物祖探  
 元窮化先何當共攜手相與排冥筮

贈清漳明府姪聿

我李百萬葉柯條布中州天開青雲器日為蒼生  
 憂小邑且割雞大刀佇烹牛雷聲動四境惠與清  
 漳流絃歌詠唐堯脫落隱簪組心和得天真風俗  
 猶太古牛羊散阡陌夜寢不扃戶問此何以然賢

人宰吾土舉邑樹桃李垂陰亦流芬河堤繞綠水  
 桑柘連青雲趙女不冶容提籠晝成羣縹緲鳴機  
 杼百里聲相聞訟息鳥下階高臥披道帙蒲鞭挂  
 簷枝示耻無撲扶琴清月當戶人寂風入室長嘯  
 無一言陶然上皇逸白玉壺冰水壺中見底清  
 光洞毫髮皎潔照羣情趙北美佳政燕南播高名  
 過客鑒一作覽行謠因之頌德聲一作頌聲

贈臨洛縣令浩弟

時被訟  
停官

陶令去彭澤茫然元今本  
作太古心大音自成曲但奏



言系  
屈唐卷之五十一  
無絃琴釣水路非遠連鼇意何深終期龍伯國與

余今本相招尋作爾

鄴中贈王大

今本題作鄴中王大勸入高鳳石門山幽居

一身竟無託遠與孤蓬征千里失所依復將落葉  
并中途偶良朋問我將何行欲獻濟時策此心誰  
見明君王制六合海塞無交兵壯士伏草間沈憂  
亂縱橫飄飄不得意昨發南都城紫燕櫪下一作  
嘶青萍匣中鳴投軀寄天下長嘯尋豪英耻學瑯  
琊人龍蟠事躬耕富貴吾自取建功及春榮我願

執爾手爾方達我情相知同一已豈惟弟與兄抱  
子弄白雲琴歌發清聲臨別意難盡各希存令名

贈盧徵君昆弟

明主訪賢逸雲泉今已空二盧竟不起萬乘高其  
風河上喜相得壺中趣每同滄洲卽此地觀化游  
無窮水落海上青一作清鼇背覩方蓬與君弄倒景  
攜手凌星虹

贈新平

一作豐少年

韓信在淮陰少年相欺凌屈體若無骨壯心有所



憑一遭龍顏君嘯咤從此興千金荅漂母萬古共  
嗟稱而我竟胡一作何爲寒苦坐相仍長風入短袂  
內一作兩手如懷冰故友不相恤新交寧見矜摧殘  
檻中虎羈紲鞵上鷹何時騰風雲搏擊申所能

贈嵩山焦鍊師并序

嵩丘

今本

有神人焦鍊師者不知何許婦人也

又云生於齊梁時其年貌可稱五六十常胎息  
絕穀居少室廬遊行若飛倏忽萬里世或傳其  
入東海登蓬萊竟莫能測其往也余訪道少室

盡登三十六峯聞風有寄灑翰遙贈

二室凌青天三花含紫煙中有蓬海客宛疑麻姑  
仙道在喧莫染跡高想已懸時餐金鵝菜屢讀青  
苔篇八極恣遊憩九垓長周旋下瓢酌潁水舞鶴  
來伊川還歸空山上獨拂秋霞眠蘿月掛朝鏡松  
風鳴夜絃潛光隱嵩嶽鍊鳧棲雲幄霓裳何飄颻  
鳳吹轉縣邈願同西王母下顧東方朔紫書

儻可傳冥

今本

骨誓相學

贈張公洲革處士

詩紀

盛唐卷之五十一

七



列子居鄭圃不將衆庶分革侯遁南浦常恐楚人  
聞抱甕灌秋蔬心閑遊天雲每將瓜田叟耕種漢  
水濱時登張公洲入獸不亂羣井無桔槔事門絕  
刺繡文長揖二千石遠辭百里君斯爲真隱者吾  
黨慕清芬

秋日鍊藥院鑷白髮贈元六兄林宗

木落識歲秋瓶冰知天寒桂枝日已綠拂雪凌雲  
端弱齡接光景矯翼攀鴻鸞投分三十載榮枯同  
所歡長吁望青雲鑷白坐相看秋顏入曉鏡壯髮

凋危冠窮與鮑生賈饑從漂母餐時來極天人道  
在豈吟歎樂毅方適趙蘇秦初說韓卷舒固在我  
何事空擁殘

書情贈蔡舍人雄

嘗高謝太傅

一作嘗聞謝安石

攜妓東山門楚舞醉碧雲

吳歌斷清猿暫因蒼生起談笑安黎元余亦愛此  
人丹霄冀飛翻遭逢聖明主敢進興亡言娥眉積

讒妬魚目嗤璵璠

今本無以上二句

白璧竟何辜

一作本無瑕

青蠅遂成寃一朝去京國十載客梁園猛犬吠九



關殺人憤精蒐皇穹雪冤枉白日開昏氛太階得  
 夔龍桃李滿中原倒海索明月凌山采芳蓀愧無  
 橫草功虛負雨露恩跡謝雲臺閣心隨天馬轅夫  
 子王佐才而今復誰論層飈振六翮不日思騰騫  
 我縱五湖棹煙濤恣崩奔夢釣子陵湍英芬今本  
作風  
 緬猶存彼希客星隱弱植不足援千里一回首萬  
 里一長歌黃鶴不復來清風奈愁一作  
愁奈何舟浮瀟  
 湘月一作舟橫  
羅刹石山倒洞庭波投汨笑古人臨濠得  
 天和閑時田畝中搔背牧雞鵝別離解相訪應在

武陵多

憶襄陽舊遊贈濟陰馬少府巨

昔為大堤客曾上山公樓開牕碧嶂滿拂鏡滄江  
 流高冠佩雄劔長揖韓荊州此地別夫子今來思  
 舊遊朱顏君未老白髮我先秋壯志恐蹉跎功名  
 若雲浮歸心結遠夢落日懸春愁空思羊叔子墮  
 淚峴山頭未二句一作何時共  
攜手更醉峴山頭







詩紀 孟唐卷之五十二  
慕清風學道北海仙傳書藥珠官丹田了玉闕白  
日思雲空爲我草真錄天人慙妙工七元洞豁落  
八角輝星虹三災蕩璿璣蛟龍翼微躬舉手謝天  
地虛無齊始終黃金獻今本高堂荅荷難克充下  
笑世上士沈寃北羅豐昔日萬乘墳今成一科蓬  
贈言若可重實此輕華嵩

贈崔郎中宗之

時宗之謫官金陵故有此贈

胡鴈拂海翼翱翔鳴素秋驚雲辭沙朔飄薄

一作蕩

迷河洲

以上四句一作胡鷹度日邊兩龍有乃

一作乃

如飛蓬人去逐

一作去

萬里遊登高望浮雲彷彿如

舊丘日從海傍沒水向天邊流長嘯倚孤劔目極

心悠悠歲晏歸去來富貴安所求仲尼七十說歷

聘莫見收魯連逃千金珪組豈可

一作不足酬時哉苟

不會草木爲我儔希君同攜手長往南山幽

贈崔諮議

騾驥本天馬素非伏櫪駒長嘶向清風

一作起涼風條

忽凌九區何言西北至却走東南隅世道有翻覆

前期一作程又作途難預圖希君一

一作相

剪拂

一作望君垂剪拂



詩經  
屈唐卷之五十二  
猶可騁中衢

贈裴司馬

翡翠黃金縷繡成歌舞衣若無雲間月誰可比光  
輝秀色一如此多爲衆女譏君恩移昔愛失寵秋  
風歸愁苦不窺鄰泣上流黃機天寒素手冷夜長  
燭復微十日不滿匹鬢蓬亂若絲猶是可憐人容  
華世中稀向君發皓齒顧我莫相違

叙舊贈江陽宰陸調

太伯讓天下仲雍揚波濤清風蕩萬古跡與星辰

高開吳食東溟陸氏世英髦夫子特峻秀岳立冠  
人曹風流少年時京洛事遊遨驂驪紅陽燕玉劍  
明珠袍一諾許他人千金雙錯刀滿堂青雲士望  
美期丹霄我昔北門厄摧如一枝蒿有虎挾雞徒  
連延五陵豪邀遮來組織呵嚇相煎熬君披萬人  
叢脫我如狽牢此耻竟未刷且食綴山桃非天雨  
文章所祖託風騷蒼蓬老壯髮長策未逢遭別君  
幾何時君無相思否鳴琴坐高樓淥水淨牕牖政  
成聞雅頌人吏皆拱手投刃有餘地迴車攝江陽



錯雜非易理先威挫豪強城門何肅穆五月飛秋  
霜好鳥集珍木高才列華堂時一作侍從府中歸絲

管儼成行但苦隔遠道無由共銜觴江北荷花開

江南楊梅鮮挂席拾海月乘風下長川多沽新豐

醪滿載剡谿船中途不遇人直到爾門前大笑同

一醉取樂平生年一本作太伯讓天下仲雍揚波

吳食東溟陸氏世英髦多君秉古節嶽立冠人曹

風流少年時京洛事遊遨腰間延陵劍玉帶明珠

袍我昔鬪雞徒連延五陵豪邀遮相組織呵嚇來

煎熬君開萬叢人鞍馬皆避易告急清憲臺脫余

北門厄間宰江陽邑剪棘樹蘭芳城門何肅穆五

月飛秋霜好鳥集珍木高才列華堂時從府中歸

絲管儼成行但苦隔遠道無由共銜觴江北荷花  
開江南楊梅熟正好飲酒時懷賢在心目挂席拾  
海月乘風下長川多沽新豐醪滿載剡谿船中途  
不遇人直到爾門前大笑同一醉取樂平生年

### 贈從孫義興宰銘

天子思茂宰天枝得英才朗然清秋月獨出映吳

臺落筆生綺繡操刀振風雷夔屈雖百里鵬騫望

三台退食無外事琴堂向山開綠水寂以閑白雲

有時來河陽富竒藻彭澤縱名杯所恨不見之猶

如仰昭回元惡昔滔天疲人散幽草驚川無活鱗

舉邑罕遺老誓雪會稽耻將奔宛陵道亞相素所



重投刃應桑林獨坐傷激揚神融一開襟絃歌欣  
再理和樂醉人心蠹政除害馬傾巢有歸禽壺漿  
候君來聚舞共謳吟農夫棄簞笠蠶女墮纓簪歡  
笑相拜賀則知惠愛深歷職吾所聞稱賢爾爲最  
化洽一邦上名馳三江外峻節貫雲霄通方堪遠  
大能文變風俗好客留軒蓋他日一來遊因之嚴  
光瀨

草創大還贈柳官迪

天地爲橐籥周流行太易造化合元符交媾騰精

鬼自然成妙用孰知其指的羅絡四季間絲微無  
一隙日月更出沒雙光豈云隻姹女乘河車黃金  
充轅軛執樞相管轄摧伏傷羽翮朱鳥張炎威白  
虎守本宅相煎成苦老銷鑠凝津液髮髯明牕塵  
死灰同至寂鑄一作冶入赤色十二周律曆赫然  
稱大還與道本無隔白日可撫弄清都在咫尺北  
艷落死名南斗上生籍抑予是何者身在方士格  
才術信縱橫世途自輕擲吾求仙棄俗君曉損勝  
益不向金闕遊思爲玉皇客鸞車速風電龍騎無



詩紀 屈唐卷之五十二 五  
鞭策一舉上九天相攜同所適

贈崔司戶文昆季

雙珠出海底俱是連城珍明月兩特達餘輝傍照  
人英聲振名都高價動殊鄰豈伊箕山故特以風  
期親惟昔不自媒擔簦西入秦攀龍九天上別忝  
一作忝列歲星臣布衣侍丹墀密勿草絲綸才微惠渥  
重讒巧生緇磷一去已十年今來復盈旬清霜入  
曉鬢白露生衣巾側見淥水亭開門列華茵千金  
散義士四坐無凡賓欲折月中桂持爲寒者薪路

傍已竊笑天路將何因垂恩儻丘山報德有微身

贈溧陽宋少府陟

李斯未相秦且逐東門兔宋玉事襄王能爲高唐  
賦常聞淥水曲忽此相逢遇掃灑青天開豁然披  
雲霧葳蕤紫鸞鳥巢在崑山樹驚風西北吹飛落  
南溟去早懷經濟策特受龍顏顧白玉棲青蠅君  
臣忽行路人生感分義貴欲呈丹素何日清中原  
相期廓天步

戲贈鄭溧陽



詩經 卷之五十一  
陶今日日醉不知五柳春素琴本無絃漉酒用葛  
巾清風北牕下自謂羲皇人何時到栗里一見平  
生親

贈僧崖公

昔在朗陵東學禪白眉空大地了鏡徹迴旋寄輪  
風攬彼造化力持爲我神通晚謁太山君親見日  
沒雲中夜臥山月一作夜臥拂衣逃人羣授余金  
仙道曠劫未始聞冥機發天光獨朗謝垢氛虛舟  
不繫物觀化遊江濱江濱遇同聲道崖乃僧英說

法動海嶽遊方化公卿手秉玉塵尾如登白樓亭  
微言注百川疊疊信可聽一風鼓羣有萬籟各自  
鳴啓閉七一作八牕牖託宿掣電霆自言歷天台搏  
壁躡翠屏凌競石橋去恍惚入青冥昔往今來歸  
絕景無不經何日更攜手乘杯向蓬瀛

遊溧陽北湖亭望瓦屋山懷古贈同旅

朝登北湖亭遙望瓦屋山天清白露下始覺一作知

秋風還遊子託主人仰觀眉睫間日一作日色送飛

鴻邈然不可攀長吁相勸勉何事來吳關聞有貞



言糸  
孟唐卷之五十二  
七  
義女振窮溧水灣清光了在眼白日如披顏高墳  
五六墩萃兀棲猛虎遺跡翳九泉芳名動千古子  
胥昔乞食此女傾壺漿運開展宿憤入楚鞭平王  
凜冽天地間聞名若懷霜壯士一作夫或未達十步  
九太行與君拂衣去萬里同翱翔

贈秋浦柳少府

秋浦舊蕭索公庭人吏稀因君樹桃李此地忽芳  
菲搖筆望白雲開簾當翠微時來引山月縱酒酣  
清暉而我愛夫子淹留未忍歸

贈王判官時余歸隱居廬山屏風疊

昔別黃鶴樓蹉跎淮海秋俱飄零落葉各散洞庭  
流中年不相見蹭蹬遊吳越何處我思君天台綠  
蘿月會稽風月好却遶剡谿迴雲山海上出人物  
鏡中來一度浙江北十年醉楚臺荆門倒屈宋梁  
苑傾鄒枚若笑我誇誕知音安在哉大盜割鴻溝  
如風掃秋葉吾非濟代人且隱屏風疊中夜天中  
望憶君思見君明朝拂衣去永與海鷗羣

在水軍宴贈幕府諸侍御

永王軍中



月化五白龍翻飛凌九天胡沙驚北海電掃洛陽  
川虜箭雨宮闕皇輿成播遷英王受廟畧秉越清  
南邊雲旗卷海雪金戟羅江煙聚散百萬人弛張  
在一賢霜臺降羣彥水國奉戎旃繡服開宴語天  
人借樓船如登黃金臺遙謁紫霞仙卷身編蓬下  
冥機四十年寧知草間人腰下有龍泉浮雲在一  
決誓欲清幽燕願與四座公靜談金匱篇齊心戴  
朝恩不惜微軀捐所冀旄頭滅功成追魯連

贈武十七諤

并序

門人武諤深於義者也質木沈悍慕要離之風  
潛釣江川一作海不數數於世間事聞中原作難  
西來訪余余愛子伯禽在魯許將冒胡兵以致  
之酒酣感激援筆而贈

馬如一匹練明日過吳門乃是要離客西來欲報  
恩笑開燕匕首拂拭竟無言狄犬吠清洛天津成  
塞垣愛子隔東魯空悲斷腸猿林回棄白壁千里  
阻同奔君爲我致之輕齋涉淮源精誠合天道不

愧鄧攸

一作  
遠遊竟



贈閻丘宿松

阮籍爲太守乘驢上東平剖竹十日間一朝風化  
清偶來拂衣去誰測主人情夫子理宿松浮雲知  
古城掃地物莽然秋來百草生飛鳥還舊巢遷人  
返躬耕何慙宓子賤不減陶淵明吾知千載後却  
掩二賢名

贈劉都使

東平劉公幹南國秀餘芳一鳴卽朱紱五十佩銀  
章飲水事戎幕衣錦華水鄉銅官幾萬人諍訟清

玉堂吐言貴珠玉落筆迴風霜而我謝明主銜哀  
投夜郎歸家酒債多門客粲成行高談滿四座一  
日傾千觴所求竟無緒裘馬欲摧藏主人若不顧  
明發釣滄浪

贈常侍御

安石在東山無心濟天下一起振橫流功成復瀟  
灑大賢有卷舒季葉輕風雅匡復屬何人君爲知  
音者傳聞武安將氣振長平瓦燕趙期洗清周秦  
保宗社登朝若有言爲訪南遷賈



經亂離後天恩流夜郎憶舊遊書懷贈江  
夏章太守良宰

天上白玉京十二樓五城僊人撫我頂結髮受長  
生誤逐世間樂頗窮理亂情九十六聖君浮雲挂  
空名天地賭一擲未能忘戰爭試涉霸王畧將期  
軒冕榮時命乃大謬棄之海上行學劍翻自哂為  
文竟何成劍非萬人敵文竊四海聲兒戲不足道  
五噫出西京臨當欲去時慷慨淚沾纓歎君倜儻  
才標舉冠羣英開筵引祖帳慰此遠徂征鞍馬若

浮雲送余驃騎亭歌鐘不盡意白日落昆明十月  
到幽州戈鋌若羅星君王棄北海掃地借長鯨呼  
吸走百川燕然可摧傾心知不得語一作却欲棲

蓬瀛彎弧懼天狼挾矢不敢張攬涕黃金臺呼天  
哭昭王無人貴駿骨駮耳空騰驤樂毅儻再生于  
今亦奔亡蹉跎一作不得意驅馬還貴鄉逢君聽

絃歌肅穆坐華堂百里獨太古陶然臥羲皇徵樂  
昌樂館開筵列壺觴賢豪間青娥對燭儼成行醉  
舞紛綺席清歌繞飛梁歡娛未終朝秩滿一作歸



咸陽祖道擁萬人供帳遙相望一別隔千里榮枯  
異炎涼炎涼幾度改九土中橫潰漢甲連胡兵沙  
塵暗雲海草木搖殺氣星辰無光彩白骨成丘山  
蒼生竟何罪函關壯帝居國命懸哥舒長戟三十  
萬開門納兇渠公卿如犬羊忠讜醢與菹二聖出  
遊豫兩京遂丘墟帝子許專征秉旄控強楚節制  
非桓文軍師擁羆虎人心失去就賊勢騰風雨惟  
君固房陵誠節冠終古僕臥香爐頂餐霞漱瑤泉  
門開九江轉枕下五湖連半夜水軍來潯陽滿旌

旃空名適自誤迫脅上樓船徒賜五百金棄之若  
浮煙辭官不受賞翻謫夜郎天夜郎萬里道西上  
令人老掃蕩六合清仍爲負霜草日月無偏照何  
由訴蒼昊良牧稱神明深仁恤交道一忝青雲客  
三登黃鶴樓顧慙彌處士虛對鸚鵡洲樊宋本  
作樊山

霸氣盡寥落天地秋

一作形襟冠白  
筆爽氣凌清秋

江帶峨眉雪

橫穿

今本作  
川橫

三峽流萬舸此中來連帆過揚州送

此萬里目曠然散我

一作  
煩

愁紗牕倚天開水樹綠

一作  
綠樹

如髮窺日畏銜山促酒喜得

一作  
見

月吳娃與

寺已

盛唐卷之五十二

七



越豔窈窕誇鉛紅呼來上雲梯含笑出簾櫳對客

小垂手羅衣舞春風賓跪請休息主人情未一作愈

極覽君荆山作江鮑堪動色清水出芙蓉天然去

雕飾逸興橫素襟無時不招尋朱門一作旄擁虎士

列戟何森森剪鑿竹石開縈流漲清深登樓一作臺

坐水閣吐論多英一作音片辭貴白璧一諾輕黃

金謂我不愧君青鳥問一作明丹心五色雲間鵲飛

鳴天上來傳聞赦書至却放夜郎迴煖氣變寒谷

炎煙生死灰君登鳳池去忽棄賈生才桀犬尚吠

堯匈奴笑千秋中夜四五歎常為大國憂旌旆夾

兩山黃河當中流連雞不得進飲馬空夷猶安得

羿善射一箭落旄頭



盛唐第五十二

盛唐第五十三

唐詩記一百十三

鄆郡吳 瑄彙編

永嘉周才甫同校

李白 五

五言古詩 五

贈王漢陽

天落白 一作 玉棺王喬辭葉縣一去未千年漢陽

復相見猶乘飛鳧尚識仙人面鬢髮何青青童

顏皎如練吾曾弄海水清淺嗟三變果慳麻姑言



時光速流電與君數杯酒可以窮歡宴白雲歸去  
來何事坐交戰

贈盧司戶

秋色無遠近出門盡寒山白雲遙相識待我蒼梧  
間借問盧耽鶴西飛幾歲還

贈從弟南平太守之遙

東平與南平今古兩步兵素心愛美酒不是顧專  
城謫官桃源去尋花幾處行秦人如舊識出戶笑  
相迎

醉後贈王歷陽

書禿千兔毫詩裁兩牛腰筆蹤起龍虎舞袖拂雲

霄雙歌二

一作寄

胡姬更奏遠

一作唱

清朝舉酒挑朔

雪從君不相饒

贈歷陽褚司馬時此公為稚子舞故作是

詩

北堂千萬壽侍奉有光輝先同稚子舞更看老萊  
衣因為小兒啼醉倒月下歸人間無此樂此樂世  
中稀



贈宣城宇文太守兼呈崔侍御

白若白鷺鮮清如清唳蟬受氣有本性不爲外物  
遷飲水箕山上食雪首陽巔迴車避朝歌掩口去  
盜泉岩堯廣成子倜儻魯仲連卓絕二公外丹心  
無間然昔攀六龍飛今作百鍊鉛懷恩欲報主投  
佩向北燕彎弓綠弦開滿月不憚堅閒騎駿馬獵  
一射兩虎穿迴旋若流光轉背落雙鳶胡虜三歎  
息兼知五兵權鎗鎗突雲將却掩我之妍多逢勦  
絕兒生着祖生鞭撻鞍空矍鑠壯志竟誰宣蹉跎

復來歸憂恨坐相煎無風難破浪失計長江邊危  
苦惜頽光金波忽三圓時遊敬亭上閒聽松風眠  
或弄宛谿月虛舟信洞沿顏公二一作十萬盡付

酒家錢興發每取之聊向醉中仙過此無一事靜  
談秋水篇君從九卿來水國有豐年魚鹽滿市井  
布帛如雲煙下馬不作威冰壺照清川霜眉邑中  
叟皆美太守賢時時慰風俗往往出東田竹馬數  
小兒拜迎白鹿前含笑問使君日晚可迴旋還一作  
遂歸池上酌掩抑清風絃曾標橫浮雲一作遊下



言終  
廬居卷之三十三  
三  
撫謝眺肩樓高碧海出樹古青蘿懸光祿紫霞杯  
伊昔丞相傳良圖掃沙漠別夢繞旌旃富貴日成  
疎願言杳無緣登龍有直道倚玉阻芳筵敢獻繞  
朝策思同郭泰船何言一水淺似隔九重天崔生  
何傲岸縱酒復談玄身為名公子英才苦迤邐鳴  
鳳托高梧凌風何翩翩安知慕羣客彈劍拂秋蓮

贈宣城趙太守悅

趙得寶符盛山河功業存三千堂上客出入擁平  
原六國揚清風英聲何喧喧大賢茂遠業虎竹光

南藩錯落千丈松蚪龍盤古根枝下無俗草所植  
唯蘭蓀憶在南陽時始承國士恩公為柱下史脫  
繡歸田園伊昔簪白筆幽都逐遊蒐持斧冠三軍  
霜清天北門差池宰兩邑鸚立重飛翻焚香入蘭  
臺起草多芳今本言夔龍一顧重矯翼凌翔鷁赤  
縣揚雷聲疆項聞至尊驚飈摧一作顏秀木跡屈道  
彌敦出牧歷三郡所居猛獸奔遷人同衛鶴謬上  
懿公軒自笑東郭履側慙狐白溫閒吟步竹石精  
義忘朝昏顛悴成醜士風雲何足論獼猴騎土牛



羸馬夾雙轅願借羲皇景為人照覆盆溟海不震  
蕩何由縱鵬鷗所期要津日侗儻假騰鸞

贈從弟宣州長史昭

淮南北一作北望江南千里碧山對我行倦一作盡過之

半落青天外宗英位雄郡水陸相控帶長川豁中  
流千里瀉吳會君心亦如此包納無小大搖筆起  
風霜推誠結仁愛訟庭垂桃李賓館羅軒蓋何意  
蒼梧雲飄然忽相會才將聖不偶命與時俱背獨  
立山海間空老聖明代知音不易得撫劍增感慨

今本當結九萬期中途莫先退作概

於五松山贈南陵常贊府

為草當作蘭為木當作松蘭秋香風遠松寒不改  
容松蘭相因依蕭艾徒丰茸雞與雞並食鸞與鸞  
同枝揀珠去沙礫但有珠相隨遠客投名賢真堪  
寫懷抱若惜方寸心待誰可傾倒虞卿棄趙相便  
與魏齊行海上五百人同日死田橫當時不好賢  
豈傳千古名願君同心人於我少留情寂寂還寂  
寂出門迷所適長鋏宋本歸來乎一作歌秋風思



歸客

自梁園至敬亭山見會公談陵陽山水兼

期同遊因有此贈

我隨秋風來  
瑤草恐衰歇  
中途寡名山  
安得弄雲  
月渡江如昨日  
黃葉向人飛  
敬亭愜素尚  
弭棹流  
清輝冰谷明  
且秀陵巒抱  
江城粲粲吳  
與史衣冠  
耀天京水國  
饒英竒潛光  
卧幽草會公  
真名僧所  
在卽爲寶開  
堂振白拂高  
論橫青雲雪  
山掃粉壁  
墨客多新文  
爲余話幽棲  
且述陵陽美  
天開白龍

潭月映清秋水  
黃山望石柱  
突兀誰開張

一作白  
柱撞星

漢西庄  
誰開張

黃鶴久不來  
子安在蒼茫  
東南焉可窮  
山

鳥飛絕處

一作猿  
狖絕行處

稠疊千萬峯  
相連入雲去  
聞

此期振策歸來空  
閉關相思如明月  
可望不可攀  
何當移白足  
早晚凌蒼山  
且寄一書札  
令予解愁  
顏

贈友人三首

蘭生不當戶  
別是閑庭草  
夙被霜露欺  
紅榮已先  
老謬接瑤華  
枝結根君王  
池顧無馨香  
美叨沐清



言  
風吹餘芳若可佩卒歲長相隨

袖中趙七首買自徐夫人玉匣閉霜雪經燕復歷

秦其事竟不捷淪落歸沙塵持此願投贈與君同

急難一作歲寒荆卿一去後壯士多摧殘長號易水上

為我揚波瀾鑿井當及泉張帆當濟一作涉川廉夫

唯重義駿馬不勞鞭人生貴相知何必金與錢

慢世薄功業非無胷中畫謔浪萬古賢以為兒童

劇立產如廣費匡君懷長策但苦山北寒誰知一作

分道南宅歲酒上逐風霜鬢兩邊白蜀主思孔明

晉家望安石時人一作來列五鼎談笑期一擲虎伏

被胡塵漁歌遊海濱弊裘耻妻嫂長劍托交親夫

子秉家義羣公難與鄰莫持西江水空許東溟臣

他日青雲去黃金報主人

陳情贈友人

延陵有寶劍價重千黃金觀風歷上國暗許故人

深歸來挂墳松萬古知其心懦夫感達節壯氣今本

一作士激素一作青衿鮑生薦夷吾一舉置齊相斯人無

良朋豈有青雲望臨財不苟取推一作揣分固辭讓



後世稱其賢英風邈難尚論交但若此友一作道

孰云喪多君騁逸藻掩映當時人舒文振頽波秉

德一作義冠彝一作殊倫卜居乃此地共井為比鄰清

琴弄雲月美酒娛冬春薄德中見捐忽之如遺塵

英豪未豹變自古多艱辛他人縱以疎君意宜獨

親柰何成離居相去復幾許飄風吹雲霓蔽目不

得語投珠冀有一作相報按劍恐相拒一作距所思采

芳蘭欲贈隔脩一作荆渚沈憂心若醉積恨淚如雨

願假東壁輝餘光照貧女

贈從弟冽

楚人不識鳳重一作高價求山雞獻主昔云是今來

方覺迷自居漆園北久別今本作識咸陽西風飄落日

去節變流鶯啼桃李寒未開幽關豈來蹊逢君發

花萼若與青雲齊及此桑葉綠春蠶起中閨日出

撥今本作布轂鳴田家擁鋤犁顧余乏尺土東作誰相

攜傳說降霖雨公輸造雲梯羌一作華戎事未息君

子悲塗泥報國有長策成功羞執珪無由謁明主

杖策還蓬萊他年爾相訪知我在磻谿



贈閻丘處士

賢人有素業乃在沙塘陂竹影掃秋月荷花一作衣  
落古池閑讀山海經散帙卧遥帷且耽田家樂遂  
曠林中期野酌勸芳酒園蔬烹露葵如能樹桃李  
爲我結茅茨

贈宣州靈源寺仲濬公

敬亭白雲氣秀色連蒼梧下映雙谿水如天落鏡  
湖此中積龍象獨許濬公殊風韻逸江左文章動  
海隅觀一作了心同水月解領得明一作神珠今日逢

支遁高談出有無

贈僧朝美

水客凌洪波長鯨湧溟海北川隨龍舟噓吸竟安  
在中有不死者探得明月珠高價傾宇宙餘輝照  
江湖苞卷金縷褐蕭然若空無誰人識此寶竊笑  
有狂夫了心何言說各勉黃金軀

贈僧行融

梁日一作有湯惠休常從鮑照遊峨眉史懷一獨映  
陳公出卓絕二道人結交鳳與麟行融亦俊發吾



言終  
知有英骨海若不隱珠驪龍吐明月大海乘虛舟  
隨波任安流賦詩旃檀閣縱酒鸚鵡洲待我適東  
越相攜上白樓

贈黃山胡公求白鷗并序

聞黃山胡公有雙白鷗蓋是家雞所伏自小馴  
狎了無驚猜以其名呼之皆就掌取食然此鳥  
耿介尤難畜之余平生酷好竟莫能致而胡公  
輟贈於我唯求一詩聞之欣然適會宿意因援  
筆三叫文不加點以贈之

請以雙白璧買君雙白鷗白如錦白雪耻容  
顏照影玉潭裏刷毛琪樹間夜棲寒月靜朝步落  
花閑我願得此鳥翫之坐碧山胡公能輟贈籠寄  
野人還

登敬亭山南望懷古贈竇主簿

敬亭一迴首目盡天南端仙者五六人常聞此遊  
盤谿流一作深琴高水石聳麻姑壇白龍降陵陽黃  
鶴呼子安羽化騎日月雲行翼鷁一作鷗鸞下視宇  
宙間四溟空一作皆波瀾決一作汰絕目下事從之復



何難百歲一作年落半途前期浩漫漫強食不成味  
清晨起長歎願隨子明去鍊火燒金丹

經亂後將避地剡中留贈崔宣城

雙鵝飛洛陽五馬渡江徼何意上東門胡雛更長  
嘯中原走豺虎烈火焚宗廟太白晝經天顏陽掩  
餘照王城皆蕩覆世路成奔峭四海望長安頰眉  
寡西笑蒼生疑落葉白骨空相弔連兵似雪山破  
敵誰能料我垂北溟翼且學南山豹崔子賢主人  
歡娛每相召胡牀紫玉笛却坐青雲叫楊花滿州

城置酒同臨眺忽思剡谿去水石遠清妙雪晝天  
地明風開湖山貌悶為洛生詠醉發吳越調赤霞  
動金光日足森海嶠獨散萬古意閑垂一谿釣猿  
近天上啼人移月邊棹無以墨綬苦來求丹砂要  
華髮長折腰將貽陶公誚

登梅岡望金陵贈族姪亭座寺僧中孚

鍾山抱金陵霸氣昔騰發天開帝王居海色照宮  
闕羣峯如逐鹿奔走相馳突江水九道來雲端遙  
明沒時遷大運去龍虎勢休歇我來屬天清登覽



窮楚越吾宗挺禪伯一作吾家特秀一作鸞鳳骨

衆星羅青天明一作朗者獨有月冥居順生理草木

不翦伐煙窓引薔薇石壁老野蕨吳風謝安履白

足傲履襪幾宿一下山蕭然忘千謁談經演金偈

降鶴舞海雪時聞天香來了與世事絕佳遊不可

得春風一作立惜遠別賦詩留巖屏千載庶不滅

書懷贈南陵常贊府

歲星入漢年方朔見明主調笑當時人中天謝雲

雨一去麒麟閣遂將朝市乖故交不過門秋草日

上階當時何特達獨與我心諧置酒凌歊臺歡娛

未曾歇歌動白紵山舞迴天門月問我心中事爲

君前致辭君看我才能何似魯仲尼大聖猶不遇

小儒安足悲雲南五月中頻喪渡瀘師毒草殺漢

馬張兵奪秦一作雲旗至今西二河流域血擁僵屍將

無七擒畧魯女惜園葵咸陽天下樞累歲人不足

雖有數斗玉不如一盤一作杯粟賴得契宰衡持鈞

慰風俗自顧無所用辭家方未歸霜驚壯士髮淚

滿逐臣衣以此不安席蹉跎因世違終當滅衛謗

詩已

或唐卷之五十三

三



不受魯人譏

登巴陵開元寺西閣贈衡嶽僧方外

衡嶽有開士五峯秀真骨見君萬里心海水照秋  
月大臣南溟去問道皆請謁灑以甘露言清涼潤  
肌髮明湖落天鏡香閣凌銀闕登眺餐惠風新花  
期啓發

盛唐第五十三

盛唐第五十四

唐詩紀一百十四

鄆郡吳 瑄彙編

永嘉周才甫同校

李白 六

五言古詩 六

安陸白兆山桃花巖寄劉侍御綰

一作春歸桃花

山巖贈許侍御

雲卧三十年好閑復愛仙蓬壺雖冥絕鸞鶴心悠  
然歸來桃花巖得憩雲窓眠

以上六句一作幼采紫房談早愛滄溟仙

詩已

盛唐卷之五十三



心跡頗相誤世事空徂遷歸來丹巖曲得憩青霞眠對嶺人共語飲潭猿相

連時昇翠微上邈若羅浮巔兩岑抱東壑一嶂橫

西天樹雜日易隱崖傾月難圓芳草換野色飛蘿

搖春煙入遠構石室選幽開山田獨此林下意杳

無區中緣永辭霜臺一作客千載方來旋

### 淮南卧病書懷寄蜀中趙徵君蕤

吳會一浮雲飄如遠行客一作萬里無主人一身獨為客功業莫

從就歲光屢奔迫良圖俄棄捐衰疾乃綿劇古琴

藏虛匣長劍挂空壁楚冠懷鍾儀宋本作楚懷奏鍾儀越吟

比莊舄國門遙天外鄉路遠山隔一作卧來恨已久興發思逾積

朝憶相如臺夜夢子雲宅旅情初結緝秋氣方寂

歷風入松下清露出草間白故人不可見幽夢一作

而我誰與適寄書西飛鴻贈爾慰離析

### 寄弄月谿吳山人

嘗聞龐德公家住洞湖水終身棲鹿門不入襄陽

市夫君弄明月滅景清淮裏高蹤邈難追可與古

人比清揚杳莫覩白雲空望美待號辭人間攜手

### 訪松子



望終南山寄紫閣隱者

出門見南山引領意無限秀色難為名蒼翠日在  
眼有時白雲起天際自舒卷心中與之然託興每  
不淺何當造幽人滅跡棲絕巘

夕霽杜陵登樓寄韋繇

浮雲

一作陽

滅霽景

一作浮霽 滅陽景

萬物生秋容登樓送

遠目伏櫪觀羣峯原野曠超緬關河紛錯

一作雜

重

清輝映竹日

一作水竹

翠色明雲松蹈海寄遐想還山

迷舊蹤徒然迫晚暮未果諧心胷結桂空佇立折

麻恨莫從

一作采菊竟誰舉游蘭恨莫從

思君達永夜長樂聞疎

鐘

秋山寄衛尉張卿及王徵君

何以折相贈白花青桂枝月華若夜雪見此令人  
思雖然刻谿興不異山陰時明發懷二子空吟招

隱詩

秋夜宿龍門香山寺奉寄王方城十七丈

奉國瑩上人從弟幼成令問

朝發汝海東暮棲龍門中水寒夕波急木落秋山

詩已

盛唐卷之五十四



空望極九霄迴賞幽萬壑通目皓沙上月心清松  
下風玉斗橫網戶銀河耿花宮興在趣方逸歡餘  
情未終一作咫尺世喧鳳駕憶王子虎谿懷遠公  
桂枝坐銷歇一作蕭瑟棣華不復同流恨寄伊水盈盈  
焉可窮

聞丹丘子於城北營石門幽居中有高鳳  
遺跡僕離羣遠懷亦有棲遁之志因叙舊  
以寄之

春華滄江月秋色碧海雲離居盈寒暑對此長思

君思君楚水南望君淮山北夢魂雖飛來會面不  
可得疇昔在高陽同衾卧羲皇綠蘿笑簪紱丹壑  
賤巖廊晚途各分析乘興任所適僕在鴈門關君  
爲峨眉客心懸萬里外影滯兩鄉隔長劍復歸來  
相逢洛陽陌陌上何喧喧都令心意煩迷津覺路  
失託勢隨風翻以茲謝朝列長嘯歸故園故園恣  
閑逸求古散縹帙久欲尋名山婚嫁殊未畢人生  
信多故世事豈惟一念此憂如焚悵然若有失聞  
君臥石門宿昔契彌敦方從桂樹隱不羨桃花源



高鳳一作起遐曠幽人跡復存松風清瑤瑟谿月  
湛芳樽安居偶佳賞丹心期此論

淮陰書懷寄王宗成

沙墩至梁苑二十五長亭大舶夾雙櫓中流鵝鸛  
鳴雲天掃空碧川嶽涵餘清飛鳧從西來適與佳  
興并眷言王喬舄婉孌故人情復此親懿會而增  
交道榮沿沿且不定飄忽悵徂征暝投淮陰宿欣  
得漂母迎斗酒烹黃雞一餐感素誠子爲楚壯士  
不是魯諸生有德必報之千金耻爲輕緬書羈孤

意遠寄棹歌聲

月夜江行寄崔貞外宗之

飄飄

一作

江風起蕭颯海樹秋登艫美清夜挂席

移輕舟月隨碧山轉水合青天流杳如星河上但  
覺雲林幽歸路方浩浩徂川去悠悠徒悲蕙草歇  
復聽菱歌愁岸曲迷後浦沙明瞰前洲懷君不可  
見望遠增離憂

宿白鷺洲寄楊江寧

朝別朱雀門暮棲白鷺洲波一作光搖海月星影



言糸 孟唐卷之五十四 五  
入城樓望美金陵宰如思瓊樹憂徒令蒐入一作  
夢翻覺夜成秋綠水解人意為余西北流因聲玉  
琴裏蕩漾寄君愁

新林浦阻風寄友人

潮水定可信天風難與期清晨西北轉薄暮東南  
吹以此難挂席佳期一作徘徊益相思海月破圓景菰

蔣生綠池昨日北湖梅開花已滿枝一作初開今未滿枝

朝白一作東門柳夾道垂青絲歲物忽如此我來定

幾時紛紛江上雪草草客中悲明發新林浦空吟

謝眺詩一本題作金陵阻風雪書懷寄揚江寧云

暮東南吹以此難挂席沿河頗淹遲使索金陵書又叨賢宰知絃歌止過客惠化聞京師歲物忽如此我來復幾時紛紛江上雪草草客中悲明發新林浦空吟謝眺詩

北山獨酌寄韋六

巢父將許由未聞買山隱道存跡自高何憚去人

近紛吾下茲嶺地閑喧亦泯門橫羣岫開水鑿衆

泉引屏高而在雲竇深莫能準川光晝昏凝林氣

夕棲繁於焉摘朱果兼得養玄牝坐月觀寶書拂

霜弄瑤軫傾壺事幽酌顧影還獨盡念君風塵遊



傲爾令自哂

一本此下有安知世上  
人名利空蠢蠢二句

寄東魯二稚子

在金陵作

吳地桑葉綠吳蠶已三眠我家寄東魯誰種龜茲  
田春事已不及江行復茫然南風吹歸心飛墮酒  
樓前樓東一株桃枝葉拂青煙此樹我所種別來  
向三年桃今與樓齊我行尚未旋嬌女字平陽折  
花倚桃邊折花不見我淚下如流泉小兒名伯禽  
與姊亦齊肩雙行桃樹下撫背復誰憐念此失次  
第肝腸日憂煎裂素寫遠意因之汶陽川

獨酌清谿江石上寄權昭夷

我攜一樽酒獨上江祖石自從天地開更長幾千  
尺舉杯向天笑天迴日西照永願坐此石長垂巖  
陵釣寄謝山中人可與爾同調

禪房懷友人岑倫時南遊羅浮兼泛桂海  
自春徂秋不返僕旅江外書情寄之

嬋娟羅浮月搖豔桂水雲美人竟獨往而我安能  
羣一朝語笑隔萬里歡情分沈吟綵霞沒夢寐瓊  
今本芳歇歸鴻度三湘遊子在百粵邊塵染衣劍



白日彫華髮春氣今本變楚關秋聲落吳山草木

結悲緒風沙凄苦顏竭來已永久顏思如循環飄

飄今本限江裔想像空留滯離憂每醉心別淚徒

盈袂坐愁青天末出望黃雲蔽目極何悠悠梅花

南一作嶺頭空長滅征鳥水濶無還舟寶劍終難

託金囊非易求歸來儻有問桂樹山之幽

下尋陽城汎彭蠡寄黃判官

浪動灌嬰井尋陽一作江上風開帆入天鏡直向

彭湖東落景轉疎雨晴雲散遠空一作返景照疎

名山發佳興一作清賞亦何窮石鏡挂遙月

香鑪滅彩虹一作相思俱對此舉目與

君同

書情寄從弟邠州長史昭

自笑客行久我行定幾時綠楊已可折攀取最長

枝翩翩弄春色延佇寄相思誰言貴此物意願一作

重瓊蕤昨夢見惠連朝吟謝公詩東風引碧草

不覺生華池臨翫忽云夕杜鵑夜鳴悲懷君芳歲

歇庭樹落紅滋



流夜郎永華寺寄尋陽羣官

朝別凌煙樓賢豪滿行舟

今本此作第三句

暝投永華寺

今本此作第二句

賓散予獨醉願借

一作結

九江流添成萬

行淚寫意寄廬嶽何當來此地天地有所懸安得苦愁思

流夜郎至西塞驛寄裴隱

揚帆借天風水驛苦不緩平明及西塞已先投沙

伴迴巒引羣峯橫蹙楚山斷砭

披水切

衝萬壑會震

沓百川滿龍怪潛溟波俟

一作候

時救災旱我行望

雷雨安得沾枯散鳥去天路長人悲

一作愁

春光短

空將澤畔吟寄爾江南管

江夏寄漢陽輔錄事

誰道此水廣狹如一匹練江夏黃鶴樓青山漢陽

縣大語猶可聞故人難可見后草陳琳檄我書魯

連箭報國有壯心龍顏不迴眷西飛精衛鳥東海

何由填鼓角徒悲鳴樓船習征戰抽劍步霜月夜

行空庭徧長呼結浮雲埋沒顧榮扇他日觀軍容

投壺接高宴



江上寄元六林宗

霜落江始寒  
楓葉綠未脫  
客行悲清秋  
永路苦不  
達滄波  
眇川汜  
白石隱天末  
停棹依林巒  
驚猿相  
叫聒夜分  
河漢轉起視  
溟漲濶涼風  
何蕭蕭流水  
鳴活活浦沙  
淨如洗海月  
明可掇蘭交  
空懷思瓊  
樹詎解渴  
勗哉滄洲心  
歲晚庶不奪  
幽賞頗自得  
興遠與誰豁

宣州

一作城

九日聞崔四侍御與宇文太守

遊敬亭余時登響山不同此賞醉後寄崔

侍御

九日茱萸熟插鬢傷早白登高望山海滿目悲古

昔遠訪投沙人因為逃名

一作名山

客故交竟誰在獨

有崔亭伯重陽不相知載酒任所適手持一枝

一作

把菊調笑二千石日暮岸幘歸傳呼隘

一作溢

阡陌

彤襟雙白鹿賓從何輝赫夫子在其間遂成雲霄

隔良辰與美景兩地方虛擲晚從南峯歸蘿月下

水壁却登郡樓望松色寒轉碧咫尺

一作望美

不可親

棄我如遺鳥

詩紀

盛唐卷之五十四

十



涇谿南藍山下有落星潭可以卜築余泊  
舟石上寄何判官昌浩

藍岑竦天壁突兀如鯨額奔蹙橫澄潭勢吞落星  
石沙帶秋月明水搖寒山碧佳境宜緩棹清輝能  
畱客恨君阻歡遊使我自驚惕所期俱卜築結茅  
鍊金液

早過漆林渡寄萬巨

西經大藍山南來漆林渡水色倒空青林煙橫積  
素漏流昔吞翕沓浪競奔注潭落天上星龍開水

中霧嶢一作嶢巖注公柵突兀陳焦墓嶺峭紛上干  
川明屢迴顧因思萬夫子解渴同瓊樹何日覩清  
光相歡詠佳句

遊敬亭寄崔侍御一作登古城望

我家敬亭下輒繼謝公作一作我登謝公樓輒繼敬亭作相去數  
百年風期宛如昨登高素秋月下望青山郭府中

今本作鴻鷺羣飲啄自鳴躍夫子雖蹭蹬瑤臺雪

今本中鶴獨立窺浮雲其心在寥廓時來一顧我今本

今本飯葵與藿世路如秋風相逢盡蕭索腰

詩紀



間玉巨今本作具劍意許無遺諾一作願為經冬壯士  
不可輕相期在雲閣拍不逐天霜落

自金陵泝流過白壁山翫月達天門寄句  
容王主簿

滄江泝流歸白壁見秋月秋月照白壁皓如山陰  
雪幽人停宵征賈客忘早發進帆天門山迴首牛  
渚沒川長信風來日出宿霧歇故人在咫尺新賞  
成胡越寄君青蘭花惠好庶不絕

寄上吳王

英明廬江守聲譽廣平籍灑掃黃金臺招邀青雲  
客客曾與天通出入清禁中襄王憐宋玉願入蘭  
臺宮

江行寄遠

剗木出吳楚危槎百餘尺疾風吹片帆日暮千里  
隔別時酒猶在已為異鄉客思君不可得愁見江  
水碧

流夜郎半道承恩放還兼欣尅復之美書  
懷示息秀才



黃口爲人羅白龍乃魚服得罪豈怨天以愚陷網

今本目鯨鯢未剪滅豺狼一作屢翻覆悲作楚地

囚何由一作秦庭哭遭逢二明主前後兩遷逐去

國愁夜郎投身竄荒谷半道雪屯蒙曠如鳥出籠

遙欣尅復美光武安可同天子巡劍閣儲皇守扶

風揚袂正北辰開襟攬羣雄胡兵出月窟雷破關

之東左掃因右拂旋收洛陽宮迴輿入咸京席卷

六合通叱咤開帝業一作手成天地功大駕還長

安兩日忽再中一朝讓寶位劍璽傳無窮愧無秋

毫力誰念矍鑠翁弋者何所慕高飛仰冥鴻棄劍  
學丹砂臨爐雙玉童寄言息夫子歲晚陟方蓬

酬談少府

一尉居倏忽梅生有仙骨三事或可羞匈奴哂千

秋壯心屈黃綬浪跡寄滄洲昨觀荆峴作如從雲

漢遊老夫當暮矣蹠足懼驂騑

五月東魯行荅汶上君一作

五月梅始黃蠶凋桑柘空魯人重織作機杼鳴簾

櫳顧余不及仕學劍來山東舉鞭訪前途獲笑汶



上翁下惠一作宵人忽壯士未足論窮通我以一箭書

能取聊城功終然不受賞羞與時人同西歸去直

道落日昏陰虹此一作我去爾勿言甘心如轉蓬

荅長安崔少府叔封遊終南翠微寺太宗

皇帝金沙泉見寄

河伯見海若傲然誇秋水小物昧一作暗遠圖寧知

一作識通方士一作理多君紫霄意獨往蒼山裏地古

寒雲深巖高長風起初登翠微嶺復憩金沙泉踐

苔朝霜滑弄波夕月圓飲彼石下流一作潭結蘿宿

谿煙鼎湖夢淥水龍駕空一作何茫然早行子午間

一作關頗識關路遠一作却歎拂琴聽霜猿滅宋本

一作峯燭乃星飯人煙無明一作同異鳥道絕往返攀崖

倒青天下視白日晚既過一作遇石門隱還唱一作聞

石潭歌涉雪寒紫芳一作采濯纓想一作掬清波斯

一作此人不可見此地君自過為余謝風泉其如幽

意何

未如奈訓崔五郎中

朔雲橫高天萬里起秋色壯士心飛揚落日空歎

詩已



息長嘯出原野凜然寒風生幸遭聖明時功業猶未成奈何懷良圖鬱悒獨愁一作空獨坐杖策尋英豪

立談乃知我崔公生民一作人秀緬邈青雲姿制作

參造化託諷含神祇海嶽尚可傾吐諾終不移是

時霜飈寒逸興臨華池起舞拂長劍四座皆揚眉

因得窮歡情贈我以新詩又結汗漫期九垓遠相

待舉身憩蓬壺濯足弄滄海從此凌倒景一去無

時還朝遊明光宮暮入闔闔關但得長把袂何必

嵩丘山

以詩代書答元丹丘

青鳥海上來今朝發何處口銜雲錦字一作書與我

忽飛去鳥去凌紫煙書留綺牕前開緘方一作時

笑乃是故人傳故人深相勗憶我勞心曲雜居在

咸陽三見秦草綠置書雙袂間引領不暫閑長望

一作歎杳難見浮雲橫遠山

金門答蘇秀才

君還石門日朱火始改木春草如有情山中尚含

綠折芳愧遙憶永路當自勗遠見故人心平生以



此足巨海納百川麟閣多才賢獻書入金闕酌醴  
奉瓊筵屢忝白雲唱恭聞黃竹篇恩光照拙薄雲  
漢希騰遷銘鼎儻云遂扁舟方渺然我畱在金門  
君去卧丹壑未果三山期遙欣一丘樂玄珠寄象  
罔赤水非寥廓願狎東海鷗共營西山藥栖巖君  
寂茂一作處世余龍蠖良辰不同賞永日應  
閑居鳥吟簷間樹花落牕下書緣谿見綠篠隔岫  
窺紅蕖采薇行笑歌眷我情何已月出石鏡間風  
鳴松琴裏得心自虛妙外物空頽靡身世如兩忘

從君老煙水

訓坊州王司馬與閻正字對雪見贈

遊子東南來自宛適京國飄然無心雲倏忽復西  
北訪戴昔未偶尋嵇此相得愁顏發新歡終宴叙  
前識閻公漢庭舊沈鬱富才力價重銅龍樓聲高  
重門側寧期此相遇華館陪遊息積雪明遠峯寒  
城泫今本春色主人蒼生望假我青雲翼風水如  
見資投竿佐皇極

訓張卿夜宿南陵見贈



言終  
月出魯城東明如天上雪魯女驚莎雞鳴機應秋  
節當君相思夜火落金風高河漢挂戶牖欲濟無  
輕舠我昔辭林丘雲龍忽相見客星動太微朝去  
洛陽殿爾來得茂彥七葉仕漢餘身爲下邳客家  
有圯橋書傳說未夢時終當起巖野萬古騎辰星  
光輝照天下與君各未遇長策委蒿萊寶刀隱玉  
匣繡澀空莓苔遂令世上愚輕我土與灰一朝攀  
龍去鼃鼃安在哉故山定有酒與爾傾金壘

訓岑勛見尋就元丹丘對酒相待以詩見

招

黃鶴東南來寄書寫心曲倚松開其緘憶我腸斷  
續不以千里遙命駕來相招中逢元丹丘登嶺宴  
碧霄對酒忽思我長嘯臨清飈蹇予未相知茫茫  
綠雲垂俄然素書及解此長渴饑策馬望山月途  
窮造階墀喜茲一會面若覩瓊樹枝憶君我遠來  
我歡方速至開顏酌美酒樂極忽成醉我情旣不  
淺君意方亦深相知兩相得一顧輕千金且向山  
客笑與君論素心



言糸 盧唐卷之五十四 廿  
答從弟幼成過西園見贈

一身自瀟灑萬物何囂喧拙薄謝明時棲閑歸一作

若故園二季過舊壑四鄰馳華軒衣劍照松宇賓

徒光石門山童薦珍果野老開芳樽上陳樵漁事

下叙農圃言昨來荷花滿今見蘭苕繁一笑復一

歌不知夕景昏醉罷同所樂此情難具論今本

作陳酬王補闕惠翼莊廟宋丞泚贈別

學道三十一作春自言羲和人軒蓋宛若夢雲松

長相親偶將二公合復與三山鄰喜結海上契自

為天外賓鸞翮我先鍛龍性君莫馴朴散不尚今本

向作古時訛皆失真勿踏荒谿坡竭來浩然津薜帶

何辭楚桃源堪避秦世迫且離別心在期隱淪訓

贈非烟戒永言銘佩紳

訓裴侍御對雨感時見贈

雨色秋來寒風嚴清江爽孤高繡衣人瀟灑青霞

賞平生多感激忠義非外獎禍連積怨生事及徂

川往楚邦有壯士鄢郢翻掃蕩申包哭秦庭泣血

將安仰鞭屍辱已及堂上羅宿莽頗似今之人蠹



言終  
賦一作陷忠謹渺然一水隔何由稅歸鞅日夕聽  
猿愁懷賢盈夢想

賞平  
荅族姪僧中孚贈玉泉仙人掌茶并序

余聞荊州玉泉寺近清谿諸山山洞往往有乳  
窟窟中多玉泉交流中有白蝙蝠大如鴉按仙  
經蝙蝠一名仙鼠千歲之後體白如雪一作棲  
則倒懸蓋飲乳水而長生也其水邊處處有茗  
草羅生枝葉如碧玉唯玉泉真公常采而飲之  
年八十餘歲顏色如桃花而此茗清香滑熟異

於他者所以能還童振枯扶人壽也余遊金陵  
見宗僧中孚示余茶數十片拳然重疊其狀如  
手號爲仙人掌茶蓋新出乎玉泉之山曠古未  
覲因持之見遺兼贈詩要余荅之遂有此作後  
之高僧大隱知仙人掌茶發乎中孚禪子及青  
蓮居士李白也

嘗聞玉泉山山洞多乳窟仙鼠如白鴉倒懸深一作

清谿月茗生此中石玉泉流不歇根柯灑芳津采

服潤肌骨楚一作老卷綠葉枝枝相接連曝成仙

詩已  
武  
卷之五十四  
九



言終  
人掌似拍洪崖肩舉世未見之其名定誰傳宗英  
乃禪伯投贈有佳篇清鏡燭無鹽顧慙西子妍朝  
坐有餘興長吟播諸天

訓裴侍御留岫師彈琴見寄

君同鮑明遠邀彼休上人鼓琴亂白雪秋變江上  
春瑤草綠未衰攀翻寄情親相思兩不見流淚空  
盈巾

君至石頭驛寄書黃鶴樓開緘識遠意速此南行  
滿泛洞庭

舟風水無定準湍波或一作滯留憶昨新一作月

生西簷若瓊鈎今來何所似破鏡懸清秋恨不三  
五明平湖泛澄流此歡竟莫遂狂一作殺王子猷

巴陵定近遠持贈解人憂

答高山人兼呈權顧二侯

虹霓掩天光哲后起康濟應運生夔龍開元掃氛  
翳太微廓金鏡端拱清遐裔輕塵集嵩嶽虛點聖  
一作明意謬揮紫泥詔獻納青雲際讒惑英王心



恩疎佞臣計彷徨庭闕下歎息光陰逝未作仲宣  
詩先流賈生涕挂帆秋江上不爲雲羅制山海向  
東傾百川無盡勢我於鴟夷子相去千餘歲運濶  
英達稀同風遙執袂登艫望遠水忽見滄浪柂高  
士何處來虛舟渺安繫衣貌本淳古文章多佳麗  
延引故鄉人風義未淪替顧侯達語默權子識通  
蔽曾は無心雲俱爲此畱滯雙萍易飄轉獨鶴思  
凌厲明晨去瀟湘共謁蒼梧帝

至陵陽山登天柱石訓韓侍御見招隱黃

山

韓衆騎白鹿西往華山中玉女千餘人相隨在雲  
空見我傳秘訣精誠與天通何意到陵陽遊目送  
飛鴻天子昔避秋與君亦乘輿擁兵五陵下長策  
馭一作胡戎時泰解繡衣脫身若飛蓬鸞鳳翻羽  
翼啄粟坐樊籠海鶴一笑之思歸向遼東黃山過  
石柱巘嶸上攢叢因巢翠玉樹忽見浮丘公又引  
王子喬吹笙舞松風朗詠紫霞篇請開藥珠宮步  
綱繞碧落倚樹招青童何日可攜手遺形入無窮



訓崔十五見招

爾有鳥折今本作跡書相招琴谿飲手跡尺素中如天

落雲錦讀罷向空笑疑君在我前長吟字不滅懷

袖且三年

盛唐第五十四



